


B. N. C.
FIRENZE
1010
II



1010.11

1010

11



CASTRA HAC FIRMANTIA SCEPTRA

SIC OMNIA VNVM

MANET VLTIMA CÆLO

ET SOLO ET POLO

NVNQVAM MARCESCO

CORDA REVNCT' AMOR

MEDICABILE SEMPER

ROSA HISPANI—ANGLICA
SEV
MALVM PVNICVM ANGL' HISPANICVM.

DOMINI BENEDICTIO DITAT





Mich: Du Val

11

OCCIDENTIS FLORI
HISPANIARVM
DELICIIS
ELEGANTIARVM OMNIVM GENIO.

SOPHIÆ OCELLO
AVREÆ SVADÆ HERMETI
TOGÆ GLORIÆ.

AVLÆ PHÆBO
SENATVS NESTORI
CRISTICOLÆ NVMÆ.

SÆCVLI SVI ORNAMENTO MAXIMO.



DIDACO SARMIENTO DE AVCVNA
COMITI DE GONDOMAR

Perillustriſſimo Menroyo & Pennaroyo Præſecto

Illuſtriſſimi ordinis de Calatraba

Sanctioris Conſilij Senatori

Regij ærarij quæſtori

Catholicæ Majeſtatis in Anglia apud auguſtam Iacobi Maje-
ſtatem Oratori

Oppidi & Caſtri Baionenſis Regenti

Episcopatus de Tuid in Gallicia Præſidi

Nobiliffimi ordinis de Alcantara quæſtori primo

Vni è quatuor ſacrorum Priuilegiorum iudicibus

Regnorum Toleti Regionis Gallicie & Principatus Aſturien-
ſis Protonotario

E T

111

AUGVSTI
PHILIPPI
QVARTI
HISPANIARVM
ET
INDIARVM
REGIS
OECONOMO
SVPREMO.




*Varidentes veneres odoratis violis,
suauiantibus lilijs spirantes gratia,
floridis Hyacinthis purpureus decor,
diuitesque dotes, reliquis blandienti-
bus flosculis, hæ omnes suaves diuitia
amanitatum delitia, purpurantis Rosæ ostro gra-*

tius insident: Quæ stellulis influentia fulgido soli, arboribus elegantia elata cædro, aubus decor, orientis aliti Phœnici, monilibus pretium & æstinatio micanti auro, & quæ ceteris lautis & delitiantibus fructibus, gratia, vires, dotes insitæ & innatæ singula, ea pulchellulo & lectissimo malo-Punico amenius insunt uniuersa; & quæ hominum generi, dotes, decora, ornamenta, alia alijs sparsa & partita singula, ea (excellentissime Didace) non scintillantes veluti radioli, sed ut plenissimi fulgurantes soles corusco lumine clarius in te effulgent omnia: Ridens & Rubens Rosa purpuranti allicit amenitate, odoratissima perfundit fragrantia, delicianti attrahit venustate: Regium-malum-punicum augusta emicat corona, speciosissimo arridet decore, multiplici oblectat varietate, gratissimo reficit sapore, & admiranda medendi dote & virtute pollet: Non tot maluni-punicum elegantibus refertum granulis, quot Nobilissimis sæcundum virtutibus excelsum magni Didaci pectus, non tot purpurâscenti Rosæ gratiæ & elegantie, quot diuini genij, & ingenij tui admirandæ dotes: Amenissimi & latissimi floris, sapidissimi et saluberrimi fructus, huius, & illius,

1
*gratias veneres & dotes felicissime possides omnes:
allicis & attrahis, places & oblectas, faras & reficis:
hocce igitur malum - punicum Angli-Hispani-
cum tibi Animo & Affectu iamdiu Anglo-Hispa-
no, hanc delictantem Rosam Hispani-Anglicam
tibi viro Principi Hispani-Anglo, sacram, voti-
uam, auspicatam, voueo, offero, consecro & ad
alii Nominis & Numinis tui Aram supplex ap-
pendo.*

DIVINI TVI GENII
eternum deuotus,

MICHAEL DV VAL.





PRO AVGVSTO
CONNVBIO DIVORVM
PRINCIPVM; CAROLI PRINCIPIS
ANGLIÆ, ET MARIE AVSTRIACÆ
HISPANIARVM INFANTIS:
FAVSTA ORBIS VOTA:

I Vngitur IGNIFERO Quoties Noua CYNTHIA Fratri,
Fertilior TELLVS, Vberiùsque MARE Est.
Tuque BEATA, Nouo FLORESCAS ANGLIA, FOETV,
Nam Noua SOLI ANGLO, CYNTHIA Iuncta Venit.

ANGLIA in HESPERIDVM Locus Est Pulcherrimus, HORTO:
ANGELVS Huic Scruat, LILIA, MALA, ROSAS.

Ampliùs Haud TOTO Diuisa Est ANGLIA MVNDO;
HERCVLEO Fausto Iam Religata FRETO est.

Cælesti PHÆBVM & PHÆBEN Qui Tollit ab AETHRA.
Nil Mirum in COELO, Quod Tucatur habet:
IRRADIAT PHÆBE AVSTRIACA, & SOL CAROL' ANGLIS.
FVLGIDVS Ergo VNA est ANGLIA Sola POLVS.

QVID PALMAS CHRIST? Quid SVRAM NOBILE VINCLVM?
Et QVID CÆLESTIS CORDARE VINCIT AMOR?
PALMA, Fides REGVM Est, COR, CHRISTVS, SVRAQ; Plebs Est;
TOT SOLVI Nequeunt VINCULA, VINCTA Modis.
D. D. F. I.

PVNICA MALA ROSIS Concordi FOEDERE Iungunt,
EN SVPERI, Quid Non FÆDERA Tanta Dabunt:
GRATVS Sineſt illis SAPOR, ac ODOR Optimus, HISCE.
Sic ROSA MALA BEAT, Mutuò MALA ROSAS:
PVRPVREVS COLOR Eſt VNUS, MALISQVE ROSISQVE,
Sic Vtriuſque VNVS, CORDE TRIUMPHAT AMOR.
LB. D. NOBILIS FLOR.

NOXIA LVCTIFICIS Dum Frendent VVLTIBVS ASTRA.
Miſcentur TRAGICIS INFERIORA MALIS.
BLANDA Vbi FRVGIPAROS Attollunt SYDERA VVLTVS.
QVADRIFIDVS Quas Non Parturit ORBIS OPES?
CAROLVS ANGLIGENIS, Et IBERIS, orta MARIA,
FÆLICI IN FLVXV, Splendida REGNA BEANT;
Demiffi E SVPERIS OPTATA LEVAMINATERRIS,
DELICIEQVE Hominum DELICIEQVE DEVM.
VIVITE FLORENTES, FÆLICIA Ducite FATA.
ÆTERNOSQVE ÆQVENT STAMINA VESTRA DIES:
ONEXVS FÆLIX, Vbi TERRA Fit ÆMVLTA CÆLO.
AVSPICIISQVE ADSINT omnia FAVSTA BONIS.
CL. D. D. T.

EN Noua ſe RVTILI Tollit Coma PVNICA FLORIS,
Luxuriatque Opibus FLORA DECORA Nouis.
PVRPVREO Paſſim TELLVS SPLENDORE Coruſcat,
Et DECOR Et SPECIES FLORIBVS omnis Adeſt.
SPIRAT Odoratus ZEPHYRIS RIDENTIBVS Aër,
Mulcet Et ELYSIAS Aura BEATA ROSAS:
ONimium FÆLIX GEMINORVM GRATIA FLORVM?
CÆLESTES TERRIS Quæ Modò Fundit OPES.
G. FIAMMETA NOBILIS MEDIOLANENSIS.

Por que fu ROSA Loçana.
Cobra MAS Suaue OLOR.
MAS encendido Color
Con la ROSA CASTELLANA.

Despide Accentos suaues.
El HARPA Dulce Instrumento.
Y En MEDIO De Su ELEMENTO.
Suspende el Buelo A Las AVES
MAS Si la causa no SABES
De Tan DVLCE son BRITANIA,
Preguntalo A La GERMANIA?
La Qual Te RESPONDE, ya:
Que Porque en LA HARPA esta.
VNA Cuerda De ALEMANIA.

MIRO Las ANGLICAS LYSSES.
Que IVNTAS Con la ESPANOŁA
Campean Con ella SOLA.
En Los Remotos Paysses
Muy lusto Sera Que AVISES
FAMA, A El MVNDO de estos bienes,
Comiença, en que Te Detienes,
Pero Tan bien MIRA agora.
Que no las hurte el AVRORA
Para CORONAR Sus Syçnes

R O S A



R O S A
H I S P A N I - A N G L I C A
S E V
M A L V M - P V N I C V M
Angli-Hispanicum.

QUod Romanorum olim Legati Pto-
meo Ægyptiorum Regi de Romanæ vr-
bis felicitàte percontanti grauitè res-
ponderunt: Romæ scilicet *Adorari Deos*
Magistratus coli, bonos Premijs affici, malos supplicijs
coerceri: Idem mihi de *Inclytissimo Sceptri Anglici*
Imperio, sciscitanti, percommodissimè responderi
posse videtur: Florere illic *optimum maximum Augu-*
stum Regem, Principem Serenissimum: sapientissimum
senatum, nobilitatem splendidam, opulentam ple-
bem, musis stare suum *Decus, legibus dignitatem,*
Magistratibus authoritatem, omnibus denique: Pa-

cem, salutem, & incolumitatem:

Gloriosa libani Cedre, in editissimo HONORIS culmine collocata, Arbor ter Augusta. & sacra cresce, viresce, assurge, fronde, flore, Germine, sub cuius delitianti & amænâ umbrâ, & volucres cæli, & animantia terræ, placidissimam requiem inveniunt.

O regum Salomon Principum Delitiæ: vos populo vestro beatissima hæc otia, vos orbi lætissima hæc tempora, illucescere dedistis, serenisque pacis radijs omnia inaurastis.

*Sub fælicissimis imperij vestri auspicijs, Pacifici fani sacra ædes perpetuò clausa, ut Regia vestra, Pacis Templum. Regnum vestrum Oliuæ sacrarium, iure merito dicatur, Quam faciles superi, quarum fauentia vobis numina aspirant? cum Auspicatissimum: velut è celo lumen perditis his temporibus labanti mundo lætè affulsistis, & lucidissimis, prudentiæ consilij, authoritatis & bonitatis vestræ radijs, nefastos omnes syderum aspectus & influxus, omnem malignantis fati vim, & acerbiter, quæ exitialem Europæ interitum minitabantur fæliciter dispulistis: ut non populus tantum vester gestienti lætitia & effe-
renti gaudio effusus, sed principatus, dominia, regna, imò omnis circumfusa Europa, vobis Maximi, vobis Augusti, vobis Pacifici, beatissima èlogia inscribat, &*

diuinarum virtutum vestrarum famam, à longè adorantes, Patrē Patriæ, Regem Pacis, humani generis conservatorem, festis vocibus consalutant:

Extiterunt olim principes qui furibundo Marte omnia turbarint, sua vt dilatarent imperia, *at Rex hic viridātis oliuæ Ramum, è cælo profert, vt homines cū dignitate in pace viuant:*

Alij pacem colunt, vt bella suscipiant, hic posuit fines suos Pacem:

Alij ad finitimos debellandos regios fasces fastu gestant hic sine finitimorum amore & beneuolentia regna firma & munita fore non autumat:

Alij dum bella mouent noua ambientes imperia, nouis inhiantes, Sceprijs suis sēpissime domi excidunt at Princeps hic summa prouidentia, prouidentia, & Pacis consilijs, vltra oceani limites, & solis orbitam, imperij sui fines feliciter propagat:

Apositè Plato. *Beatas tuas fore respublicas & regna in Phedrone.*
cum *sapientes* regnant reges:

Omniū enim artifex sapientia.

Sap. 6.

Quare principes authores pacis, *soli sapientes*, soli homines, soli humani generis *conservatores*, censendi sunt.

Quid enim adeò pugnat cum *sapiente* ac bellum? discordia? dissidium? quid ab humanitate magis alienum? quam hominem destruere? quid patri pa-

trix & salutis publicæ *conseruatori* magis proprium, quam seruare?

Regna itaque pace stabilire, pace populos regere, pace finitimos continere, bella procul arcere, hæc *Augusti Regis*, hæc veri & fortunati principis, *Regia* sunt munera & officia:

Et licet satis omnibus innotescat, *Regem* hunc non minus belli studijs, quam pacis artibus, instructū, & *Martis* sacris, per æquæ ac *Minerue* litasse, bonitatem omnes, pium potius illum exoptant *Numam*, quam belligerantem *Romulum*, & Augustum *Salomonem*, candida pacis stola indutum, quam triumphanter *Dauidem*: sanguine purpuratum:

Fælices quibus diuino munere talis contigit *Princeps*, quo nihil nostra aut superior ætas, maius aut *Augustinus* suspexit:

Ea ad *miraculum* sapientia ut innumeris dignus sit Scepbris.

Ea facundo & facundo pectore, ut *Musas* ipsas doceat:

Ea præstanti comitate, ut cum tito *Cæsare* neminem a se tristem dimittat:

Ea *Regia* animi amplitudine ut optimus quisque gratus illi esse cupiat:

Ea munifica largitate ut beneficentiæ suæ manum omnibus aperiat.

Ea

Ea splendida magnificentia, vt id in censu suo ponat quod alijs erroget.

Ea singulari integritate vt rectè factorum præmium quisquis ab illo & speret vt ferat.

Ea summa æquitate, vt nullus ab illo rem iniustam petat, iustam nemini denegat.

Ea iustitia vt elogium illud *Romani consulis* meritò illi ascribatur, difficilius se a *Recto* quam *solem* a consueto cursu auerti posse:

Ea inuicta potentia vt nemo audeat, ea insigni bonitate, vt nemo velit se hostem profiteri:

His excultus virtutibus, ornatus laudibus, innumerisque in *Rem-Publicam* perillustribus *Clarus* meritis, dignus omnino est cui & homines gratulentur & *superi* largiantur maximam hanc (si in humanis vlla esse posset) felicitatem.

Et quia longè *Maius & Augustius* semper est habitum scire vti imperio, quàm imperium nanciisci, ideo optimus hic *Princeps* diuina hæc Dei dona, & bona, non commodis & incrementis suis proprijs applicat, sed ad *decus*, ad *gloriam*, ad Reipublicæ utilitatem & dignitatem, constanti affectu & voluntate omnia refert.

Itaque non domi tantummodo & apud suos *Almam Pacem*, auream *celi* prolem, *mundi* delitium, fouet, ornat, tuetur, sed lectissimos & suauissimos

eius fructus in patentem vndique *Orbem* magno affectu & solitudine diffundere studet.

Nouit enim *sacra serenissima Majestas* non sibi se suisque solūmodo sed vniuersis sed singulis opitulandis natam, *diffusum* circumquaque *orbem* suam esse *Patriam*.

Ciuem se esse mundi, ideoque illi tanquam præcellentissimo illius *membro* incumbere, pro totius incolumitate & salute excubare.

Seneca
Conf. ad
Polyb.

Sapienter & eleganter *seneca*:

Omnium somnos Principis vigilia, omnium opus illius labor, omnium delicias illius industria, omnium, vacationem illius occupatio deffendit.

Piorum Principum animis & affectibus, altè hæc insident, pluris vnā esse animulam quam mille mundos:

Bella Dei esse flagella:

Ancipites eorum exitus:

Nunquā suscipienda dum prudenter præcauenda.

Innocentum sanguinem clamare vindictam.

De omnibus acuratissimam reddendam rationem.

Durissimum fore iudicium his qui præsumunt.

Cum igitur nulla alia sit maximorum principum

Regumque felicitas, quam vt alios *felices* faciant, eaque in terris præcipua censeatur felicitas, quæ ad

Math. 12.
Eccles. 12.
Sap. 6.
vers. 4.
Sap. 6.
vers. 6.

celestem quam proximè accedat, quæ placidissima tantum *Pace* nitatur, beatissimos fore oportet *Principes* illos, quorum omnes huc incumbunt conatus, ut *rem* adeò *diuinam*, Deo hominibusque gratam, longè talique pro viribus promoueant:

Habet hoc *regnum* cum *navi* affine ut sicut *hæc* mari destinatur, varios subitura casus, & discrimina, nunc obruenda *fluctibus*, nunc allidenda *scopulis*, nunc *naufragio* absorbenda, semper vero *præcipitijs* & *periculis* exposita, sic *Regnum* ex hominibus, varijs animi ægritudinibus, varijs genijs, & ingenijs affectis coalescit; hi æstuantibus flagrant odijs, *alii* intestinis seditionibus laborant, *isti* factionibus destrahuntur, *illi* dissidijs in transuersum ducuntur, hos præcipes agit furor, *alii* tumultibus omnia pessum dant.

Sed ut *peritissimi* illi censentur *navarchæ*, qui non tantum mari placido, sereno *calo*, fauenti *aura*, nauim scitè dirigunt, sed qui præterea contra ingruentes tempestates, turbines, & procellas, reliquamque cæli *inclementiam*, apparatu omni nautico & suppellectile, strenuè muniunt, & obuallunt: sic prudentissimi illi habentur *Principes*, qui non tantum imperia sua in pace fundant, sed qui eadem insuper, contra omnem vim *fati* & *Martis* impetus, prudentibus *institutis* & pacificis *Consilijs* in futurum muniunt & conseruant:

Atqui ut præpotentem omnium moderatorem Deum non in magis in stupenda mundi fabrica, quàm in solerti eiusdem regimine, suspicimus & veneramur: sic Reges & Principes, non impensius admiramur, in regnis acquirendis & condendis, quam in iisdem prudenter administrandis, & Pace muniendis:

Qua ut præclare Affricę decus *Diuus Augustus*, nihil auditur lætius, appetitur utilius, aut felicius possidetur.

Celebre est Medicorum Placitum, quod in grauibus & sequentibus morbis curandis, quies antè omnia conducat ægroto, sic ad sananda reipublicę Christianę vulnera, iam diu in viscera & penetralia læthalliter nimis grassantia, vnica Pax, remedium astruitur, & medecina: in qua vnica vita, salus, dignitas, securitas, felicitas, *musæ*, *laurea*, literę, res forense, urbanę, diuina, humana, omnia continentur:

Cum igitur *Animi Regij* & diuini, illustre & luculentum sit *specimen. felicitatem* latè in omnes propagare, summumque illud *Numen*, quod pietatis sue finem, omnibus aperit, bene merendo imitari:

Ideo *Maximus & Augustus* Rex ad immortalitatem natus, & ad orbem felicitate Pacis beandum è cęlo veluti demissus, salutare illud *Diui Augustini* monitum, animo sanctè recolens, *Ad Christianos Reges seculi omnimodò pertinere, ut temporibus suis Paca-*


tam esse velint matrem suam Ecclesiam : ac luxata & conuulsa reipublicæ Christianæ membra, miseram illius faciem, vulneribus sædatam; sanguine madidam, dissidijs laceram, & suis pænè cardinibus emotam, conspicans, tantamque calamitatem & infelicitatem piè commiserans; omnes inuit rationes, munificos profundit sumptus, consilia dirigit, vt restinctis passim bellorum incendijs, *de Marte & Belona*, seruata, restaurata, & postliminio quasi in integrum restituta, *Victrix* vbique *Pax* triumphet:



Quæ vt omnis societatis humanæ nexus est, & vinculum arctissimum, ita *Pacis* sanctissimum vinculum & cimentum firmissimum, *Regiæ & Augustæ Affinitates*; semper sunt habitæ: quæ innumera secum præsidia, commoda, & ornamenta, asferre solent:

Et licet *Serenissima & splendidissima plurimæ* aliæ numerentur nuptiæ *Sceptro Anglico* propositæ, tamen ad rei Christianæ decus instaurandum, & *Pacis* prosperitatem, per omnes *Europæ* fines longè lateque deriuandam, *Diuinissimum medium, & Angularem* velut lapidem, omnia in vnum fœlicissimè compingentem, *Augustam Coronæ Hispanicæ Affinitatem*, censeri:

Vt hac ratione, *Sceptra Hispanica, Gallica, Anglicæ, Potentissima & florentissima totius Europæ Regna*, ceu triplex *Salomonis funiculus*, *Herculeano* velut *Nodo, & Nexu*, indissolubiliter coniungantur:

*Super fixis his Polis, orbis sphaera conquiescet, ab in-
uicta & Augusta hac triade, perbeatissima in terris,
vnitas coalescet:*

Beata  *Gloriosa Hispaniarum Sceptra: Monar-
chiam felicissimam & florentissimam: maximorum
Regum vestrorum inclyta, & inuicta, apud homines
Pietas, effecit & Potentia, sed diuturnam et Aeuiter-
nam, Numinum effusus fauor & munificentia:*

Augusta  *victricia Symbola vestra, Leones*  *Castella, gentilitia virtutis vestrae & famae, sempiterna
trophea, in vtroque orbe feliciter triumphantia, con-
tra omnem ineluctabilem vim fati & malignantis
fortunae impetum, inuictum Robur & fortitudinem
praefereunt.*

*Et suauiantia illa & albicantia Sceptri Gallici, lilia,
Aurei illi caeli flores: an non sub amenantia illorum um-
bra, fragrantia aura, valido propugnaculo, vberi a-
micitiae fructu, plus dignitatis, ornamenti & praesidij,
inest, quam in reliquis forte totius Europae clarissimis
& splendissimis necessitudinibus? adeo ut Regia,
Gloriosi utriusque Sceptri Hispanici, & Gallici Affi-
nitates, et fortuna magnitudine, et Potentiae ampli-
tudine, et Glorae celebritate, & sanguinis claritate,
longo reliquas omnes interuallo superant.*

*Ad Sceptri vero Hispanici Regiae necessitudinis
Augustum complexum: quot Gloria, Amplitudinis, Ho-*

noris, & dignitatis, nobilissima ornamenta, vocant & inuitant?

Quid enim vel à *Natura*, vel à *virtute*, vel à *fortuna*, expectari, aut excogitari posset? quod *maximus hic Rex* cumulatissimè non sit consecutus? quo *maior aut Augustior nullus in orbe* dominatur? non *Majestate* aut *felicitate*, non *Origine* aut *sanguine*, non *Amicitijs*, aut *Clientelis*, non *Regnis & Imperijs*, non *Potentia* aut *opibus*, non *Armis & viris*; non *optimis legibus & institutis*, non *corporis dotibus*, aut *Animi virtutibus*, cuius *inclytissimi maiores* rebus gloriosissimè gestis, innumerisque clarissimis & splendidissimis victorijs, de *saracena colluue* acerrimis Christi nominis inimicis partis, *diuinissimisque* suis in rem Christianam meritis, *sacro sancto & Augusto Catholicon Titulo*; fæliciter inaugurari meruerunt: in quorum *Augustis Sceptris & Amplitudo Regum* hominibus dominantium, & *Numinum sanctitas*, *Regibus ipsis imperantium*, *Gloriosè* semper refulsit:

Ex Aurea hac una radice: quot nobilissimi *Agnationum & necessitudinum inclyti Rami* pullulant? quam multiplici nexu *stemmata* procurrunt? *Que* enim *Regio in terris*? quæ *Natio*? quæ *Prouincia*? quæ in *Europa* amplior aut *Augustior familia*? quæ *Augustum hoc Sceptrum*, aut *cognitione*, aut *sanguinis conjunctione*, non attingat?

Ordinarè: ab *Augustissima Austriaca familia Gloria*,
 & *Amplitudine*: quâ *Regum aut Imperatorum* nulla
 vnquam extitit fecundior: ab *Imperiali bicipiti Aquila*
 in orientem & occidentem spectante: innumerosque
 Reges, et Principes, a Meridiano ad Oceanum vsque
 dominantes, *Affinitatis & sanguinis Nexu* comple-
 ctente: quæ *sublimi suo volatu*: adeò in altum se extu-
 lit, vt duodecim *Potentissimos Imperatores Augusto*
 hoc *stemmate* progenitos numeret:

En plumas explicat, *Augustas Alas* expandit, *Regia*
hæc Aquila: ad affines, fæderatos, *Amicos*, *Amoris*
 finu, & gremio fouendos & protegendos:

At *Capitur Imperialis hæc Aquila*: suauiolenti
 odore *fragrantium Galliarum liliorum*: & quàm blandula
 sacrâ basiâ *Hymænea*, *Leonibus Casella*, suauiantia hæc
lilia libant: quam refluus & reciprocis *casus osculis* &
 amplexibus *Nuptialibus*, *Augusti hi Principes*, *Sceptri*
Hispanici & Gallici intimè se stringunt: vt latè vndi-
 que sese exerunt, *Caputque* attollunt *Purissima & can-*
didissima hæc lilia: celestes *hi flores*: *Honoris*, & *Amoris*,
Plenissimi: qui vitalis auræ odores suauiiter vbique
 afflant & aspirant & calum terramque delitanti sua
 fragrantia mirificè perfundunt: quæ *Gloriosa & in-*
clyta insignia è cælis dilapsa, *Gallicani nominis & Gloria*
decora, & *monumenta clarissima*, per tot inuictissimo-
 rum *Regum* alta *stemmata* ampliter decurrentia, velut
 splendi-

Redulp. 1.
 Albert. 1.
 Fridericus
 Fulcher.
 Alber. 2.
 Frider. 3.
 Maximilian. 1.
 Carolus
 Quintus.
 Ferdinādu
 Maximilian. 2.
 Redulp. 2.
 Matth.
 Ferdinādu
 Elias Rens-
 nerus.
 Genealog.

splendissima luminaria, in Augusto Ecclesie firmamento
coruscantia, fulgentissimam Glorie claritatem
mundo protulerunt, & Christianissimi diuina Elogia
Regia pietate, fide, zelo, summisque in Ecclesiam
meritis ad vberem illorum Gloriam in cælis cumulan-
dam, & sempiternâ Nominis famâ in terris propagan-
dam, Gloriosè compararunt:

His meritò proximè adiungendus *Sigismundus hu-*
ius nominis tertius, inuictissimus & Potentissimus Sar-
matum Rex, Ferdinandi Caesaris nostri (sorore in coniu-
gem ascita,) confrater, qui innumeris insignibus cele-
bris victorijs de infensissimo Christi hoste reportatis,
nouissimè, altera memorabili, & ab omniû sæculorum
memoria luculentissima, cælo terræque applaudentibus,
de Ottomanico fastu parta, immortalis Gentis et nominis
sui Gloria inclarescit:

His annumeraz *inclytum Cosmum, magnum Nuper He-*
truriæ Ducem, florentis Italia decus, & lumen Maximû,
Austriaci sanguinis gloria triumphantem, Gloriosæ
memoria Philippo tertio Hispaniarum et Indiarû Mo-
narchæ Potentissimo, ex consorore fratrem:

Monarchis his accèssendus in Augusto hoc honoris Thea-
tro; Martis ille fulmè, serenissimus dux Sabaudiësis, fœ-
cundissima & florentissima sobole ex Regia Catharina
magni Philippi secundi Hispaniarum Regis Augusti filia
auctus:

His omnibus Honoris causa inferre, *Augustam* *Isabellam*, *Claram*, *Eugeniam*, *Aeterni Nominis Principem*, *Belgijs* felicissime dominantem; cuius excellens animi magnitudo, prudentia, ardens in deum pietas, insignis castimonis, & Pudicitia fama, Amorque in castas *Vestales*, reliquæque Regiæ virtutes alto suo stemmate, sanguine, et fortuna dignæ non *Hispanias* tantum & *Belgium*; sed circumfusum vndique mundum, amplissimum habent *Theatrum*:

Vnde Nexus, & sacri sanguinis coniunctio, *Sceptre Anglici* cum *Hispanico*, tot clarissimis affinitatibus florentissimo, et Potentissimo, unica, consultissima, & expeditissima censetur ratio, ad orbem *Pace* stabilendum, innouandum, beandum:

Quid enim in Regia aliqua cognatione amplum & illustre, quid felix & *Augustum*, splendidum & magnificum, quid commodum aut honorificum, sperari aut optari possit? quod vbertim hic non suppetat?

In Regiarum nempe Nuptiarum delectu, cordati *Principes*, è *Prudentia* Prascripto, hæc imprimis attendunt:

Generis Nobilitatem & *familiæ claritatem*, *Affinitatum Nexus*, *sponsæ Elegantiam*, *dotis Amplitudinem*, *Potentie fulcra*, *Seu subsidia*, &, *Auxilia emergentia*, & *Patriam*:

At quam affluenter vniuersa & singula hæc in

sacra hac Affinitate concurrunt? Generis claritudo
quæritur? at illa è maximis Regibus & Imperatoribus
perpetua serie deducta, clarissima: Potentie magnitudo?
at illa hic multo maxima, spectatur dos? at hæc ditissi-
ma, & totius Europæ amplissima, Regia virgo? at hæc
blandulus flos veneris è calis Elysij decerptus; subsidia?
at hæc validissima & instructissima: Patria? at hæc
nobilissima;

Enucleatiùs quædam aperienda:

Quantæ Potentie Amplitudo, & Gloria celebritas
Principi Carolo ex Regijs his Nuptijs accederet? nam
(præter amplissimam dotem & decuplò maiorem quam
alibi vspiam sperare posset:) Corona Hispanicæ Regia
Prole non suscitata, aut nata, et extincta; Principi, Pal-
marum I uulm, & Ius, ad Regna omnia, ditiones, &
Dominia, competere, extra omnem aleam est: cui, &
Regiæ suæ soboli, utræque aureæ Indię; Hispaniæ, Lusitania,
Belgium, Sicilia, regnum Neapolitanum, Ducatus
Mediolanensis, insula Maiorica, Corsica, Minorica,
& non contemnenda pars Africa, omniaque Sce-
ptræ, Regna, Imperia, Corona Hispanicæ, indubitato
iure & successione vt (loquuntur Iurisconsulti) in solidum,
accrederent; quod vnum Anglorum Nomen altiùs at-
tolleret, & immortalitati commendaret, quam inclyta
omnia eorum fortia facinora, & Arma victricia:

Nam certum est & Publicis tabulis consignatum,

vide Acta Nuptialia Dni huius Con- nubij.
 Regiam sororem Natu maiorem, serenissimam Dominam, Annam Austriacam, Augustam Galliarum Reginam, omni successionis Iuri in integrum renunciassse, & serenissima Sabaudienſis familia, non nisi transuerso & obliquo Titulo prætenderet, imo desiderata sobole Regiæ coronæ Hispanica, & Casaræ Majestati Ferdinandi nunc felicissimè dominantis Imperatoris, uniuerſa familiæ Austriacæ ditio, & dominatus, Principi Carolo, pleno iure cederet:

Quod verò subsidia attingit & Auxilia, illa nunquam in omni Europa, magis firma, fida, aut instructiora inueniri possint; nam in colendis & fanciendis amicitijs, Hispani, maximè omnium fideles sunt, constantes, & penè Pertinaces, nam sacram fidem, & promissa vel Amplis et honorificis Præmijs violare, turpissimum putant, & præter infinita alia constantis voluntatis suæ, & affectus, sæculis retroactis, in Affines, & Amicos, Nobilissima Pignora, Memorabile illud Anno 1565: dum Gallia intestinis vndique bellis arderet, omniaque tumultibus & cædibus miscerentur, Regem Philippum secundum, Aeternæ memoriæ Principem, Carolo Nono Galliarum Regi confratri regias submisſisse suppetias, & validissimas tum Equitum tum Peditum suppeditasse copias, ductu & auspicijs, (illustriſſimi Comitissæ Arrenbergij) quæ ad hostium insolentium vim edomandam & Perduelles in officio, continendos, Nobili

vide Annales Franciæ in vita Caroli Noni.

Nobili & luculento Praesidio illi fuerunt:

Et qui in perplexos illos *Bellorum meandros*, *Germaniam* miserè flagellantium, oculis & animo altius penetrauerit, *inueniet labantem*, & iacentem, *Romani Imperij maiestatem*, ab unico optimo *Maximo*, *Hispaniarum monarcha*, conseruatam & restauratam, qui maximam apparatus bellici partem suppeditauit, ope, manu, milite, semper affuit & succurrit; vnde *Imperij dignitas* fæliciter *assurgit* & se attollit: magno *Cæsaris* bono, magna *Imperij* Gloria, & *Reipublica* totius *Christiane* fructu & ornamento:

Et sanè in *Principum sacris Affinitatibus* & *Amici-* Subsidia
& commo-
da a sacris
Principum
affinitati-
bus.
tijs, multum ponderis & momenti semper situm est, vel ad *Hostem* laceffendum, vel profligandum, vel *Amicos* toris iuuandos, vel suos domi tutandos, vel ad vim quouis modo inferendam vel repellendam:

Nam neque *classes*, aut *Arces*, tam firma sunt *Regni fulcra*, ~~et~~ *propugnacula*; atque *Affines* & *Amici*:

Commerciorum verò *Res* & *Rationes*, nusquam Commoda
è Commer-
cijs.
aut *Ampliori lucro*, aut *vberiori Prouentu*, exercentur quàm in *Augusti Regis* huius ditionibus:

Quanta enim & quam *vberima commoda* *Regna beantia*, hinc emergunt? quam *amplæ opum & facultatum accessiones*? quàm *frequentes & celebres Negotiationes*? quibus *Nihilad sublimandam Regū Amplitudinem* magnificentius, aut ad *Reipublicæ Decus*

illustrandum præclarior, muniendum fortius, aut ad
 civium fortunas augendas, utilius, immo nihil in omni
 officij genere, humana vite vel prodesse magis, vel
 plus asferre splendoris posset :

Vnde non minima laus est optimorum Principum,
 Populi sui commodo *et* ornamento studentium, id in
 censu suo, maximè ponere, illud sibi tantum lucro ducere,
 quod subditis quovis modo, dignitatem, aut utilitatem,
 asferat :

Imò Penitius & acutius in commerciorum momenta &
 Emolumenta intuenti? quàm omnia optima, falicia,
 benefica occurrunt? quàm utilitatis atque splendoris
 plena?

Ex ipsis Hispanijs quàm opulenta & splendida
 undique merces petuntur; quàm insignes & verè Regia,
 tanquam nobilissimo totius orbis mercatu & Emporio
 ex utrisque Indijs; quibus penetrandis & perragrandis
 fauentiores & indulgentiores futuri sunt Hispani An-
 glicis, quàm reliquis illustribus Europæ populis:

In quibus non ut in lapidicina aliqua petrosa, steru-
 li; deserta, lapides tantum aut lutum effossuri desu-
 daverint, sed præciosissimis & opulentissimis effodiendis
 Aurisfodinis, Aurum erruent, Argentum colligent, sta-
 uescentis metalli, luculentum lucrum facient:

Neque in mari Indico Pisces marinos còmunes, gre-
 gali còcordia placidos, aut oppiparos illos *et* lautiores,

succinum & oleum manantes, delitiantis stomachi præ-
das Ausidas, solūmodo piscabūt; sed *Nobiles* exercebūt
piscationes, imò *Regias Piscationū* delitias instituēt, *Gē-*
marum pellucidarum, *Margaritarū* ex quisiſſimarū,
monilium, *unionum*, infiniti pretij, maxima copia, su-
 perfluente *mensura*, *questu uberrimo & incredibili*:

Qui vero *Martem* colunt, *Castraque* sequuntur, ne
 ignobilis & desidis *orij* delitijs & illecebris deliniti,
domi diffuant & eneruentur, *sub inuictis signis et ve-*
xillis, sub *felicibus Augusti Sceptri* huius auspicijs.

Amplissima & opima stipendia laudis bellicæ *Pal-*
mus & Præmia, & sperent & ferant:

Expeditiones enim *Nauales & Castrenses*, *Terra*
Marrisque, ad rem augendam, ad decus & *Nomen*
 comparandum, ad *militaris virtutis & Gloriæ* messem
 vberem demetendam, semper sese offerunt:

His a tēde, *conubia* mūtua, inter subditos intercur-
 rentia; ad *Popularium* studia concilianda & conseruan-
 da, ad animos demerendos & retinendos *incitamenta*
blandissima, amorisque quasi *Philtra & illicia* potentis-
 ſima:

Ipsa vero regia virgo, serenissima *Domina Maria*
Austriaca tot maximis *Regibus*, *Imperatoribus*, *Ata-*
nis et Proavis oriunda, *Maximi Regis* filia: *Maximi*
Regis soror maximorum *Regum & Imperatorum* (Deo
 dante) *Genetrix* futura, præter alti & *Augusti* sangui-

*nis stemmata, corruscanti item virtutū suarum fulgore
ceū tot micantium syderum luce mirifica splendet: in
quam Gratia, Natura, Fortuna, diuiniore omnes opes
suas prodigè profuderunt:*

*Ijs omnibus excellentibus exulta dotibus quæ fa-
minam Principem:*

Castis illis prædita moribus, quæ inclytam coniugem:

*Regijs ijs adornata virtutibus quæ Augustam Re-
ginam constituent:*

Patria

*Cuius Gloriam & splendorem, Præstantissimi Nomi-
nis Nobilis scriptor in non mediocri Hominis felicitate
ponit, infit enim, beatè victuris iuxta Rationis Præscri-
ptum, opus esse imprimis Patriam habere Gloriosam,
vtpotè, quæ excelsis & illustribus animis ad virtutem am-
plectendam & res præclaras gerendas Nobilissimum sit
illectamentum & incitabulum.*

*Patria itaque regiae sponsæ virgini Hispania est, id est
Regio illa orbis, & Europæ, Pars Amantissima, & Nobi-
lissima:*

*Terrarum optima, opulentissima, frugum, fructuum,
& omnium lautissimarum & laudatissimarum rerum, fe-
racissima: quam ab Oriente & Septentrione Pyrrinei vndi-
que montes cingunt, Reliquarum Partium Herculeæ
Gades & Oceanus Borealis, limites:*

*Quæ interiacentium montium & Oceani maris vastis-
simo*

fimo finu continentur, quasi nouum orbem facientia, ad Hispanias item spectant, adeò vt omnis illa Regio quæ à Lusitania ad Pyreneos vsque saltus protenditur, Hispanici Sceptri Amplissima sit Ditio, tamque vastæ dimensionis & circumferentiæ censetur, vt florentissimum ~~et~~ Nobilissimum diffusum Galliarum Regnum, longitudine, & latitudine adæquet:

De Hispanis in Genere, sic Guicciardinus & Boterus: Bot. Rel. Guicciard. Hist.

Hispani tam Gallis quam Germanis aptiores, & Animi tædijs deuorandis, & corporis incommodis perferendis.

Atque, vt veteribus placuit, & experientia ad oculum strabo. Justinus. liquet, Inedia, frigoris, famis, sitis, solis, Hyemis, corporis & animi fatigationum patientissimi sunt Hispani, & pro Patria & Honore quæuis Pericula adire paratissimi.

Aeris Amenissima & purissima serenitas, calisumma salubritas, ingenijs poliendis, & acuendis aptissima:

Hinc maximi & Augusti Romani Imperatores omnium virtutum Gloria clarissimi prodierunt, Traianus, Adrianus, Antonini, Theodosij, Honorius, Arcadius, qui orbi & Imperio gloriosissimè olim præfuerunt.

Et ex qua tanquam Martis & Minervæ quodam sacrario, infiniti superioribus sæculis, & nostro, inclutissimi ~~et~~ fortissimi Duces emerferint; Prudentes, cor-
dass, experti, Martis ~~et~~ militia Gloria eminentissimi,

innumerique sapientissimi Doctores, viri propemodū diuini, laureis, literis, Musis ipsis sacri, & venerandi.

Vnde tali calo, solo, stirpe, stemmate, origine, Regia Parēte, Genus & Patriam beante, regiam nasci Prolem, verè regium & diuinum.

Prout fortes creantur fortibus,

Matribusque similes gignuntur Proles :

Extra Hispanias verò in noto & ignoto Orbe, in vtrisque Indijs, Oriētalibus & Occidentalibus, quantum Dominatu & Imperio, polleat hic Rex, non facile verbis assequendum. Nam in remotissimo illo & longè difsito tractu, Tot ac tanta regali huic Sceptro parent Regna & Imperia, vt miraculi instar, in eorum aliquo Horizonte & Hæmispherio, pædulus sol radiofo vultu suo Clarus semper & conspicuus appareat, imò, quod omnem vincit admirationē, nulla non hōra, tã Nocturna, quã diurna, in ijsdem ditionibus, Sole teste & perpetuo inspectate, iuge sacrificium Numini litatur, & sumæ Gloria & amplitudini inuicti huius Monarchæ ascribitur, quod in quatuor, Nobilissimis & celeberrimis mundi tractibus Asia, America, Affrica, Europa, solus hic Rex amplas possideat Ditiones & Dominia, quod reliquis potentissimis Europæ Regibus & Monarchis denegatum.

Vniuersa hæc et singula, Genus, Affinitas, Nominis Gloria, Clientela, Potentia magnitudo, sponsa, Dos, Patria, subsidia, commoda, amplitudinis sunt Decora &

dignitatis Ornamenta, quæ Sceptri Hispanici sacrum Nexum comitantur.

Rursus si *Maiestatis* oculo, inuictissimum Sceptri *Anglici Monarcham* inspiciamus, si illius *Dominatum, Potentiam, præpotentis fortune vires, & magnitudinem* consideremus: Quam omnia alta, *Augusta, Admiranda* occurrunt? Quantum terra marique Imperio, Pollet inclytus hic Rex? Quot spaciosis *et* speciosis imperitat Regnis? Quam infinitis Populis, animosis, fortibus, præstrennis *Mariis*, & militaribus copijs ductandis Natis? vnde enatum illud.

Pax cum Anglica et reliquo Mars belliger orbe.

Quam Affluentissimis, & lectissimis commoditatibus humana vita, ad victum, cultum, ornatum, usque ad Abundantiam deferuentibus, illius Regna *et* Imperia vbertim abundant? è quibus tanquam Perenni quodam fonte, tot illustria & opulenta omnis generis Mercimonia traducta, per Europam vndique exundant, indeque per orbis huius Nostri, & Antipodum fines, latissimè diffunduntur.

Quam alta Natalitia, & Augusta stemmata recenset? quàm innumeros inuictissimos *Ataues, et* Proavos, Reges fortissimos è Regnis diuisis & diuersis Numeret? Hinc, viginti amplius Maximos & Potentissimos Monarchas, illinc, insignia, Aurea hæc verba gestantia, Centum sex Proavi, hæc Nobis inuicta dedere.

Si igitur in *Augustorum* Numinum horum *Majestate*, *felicitate*, *fortunis*, *Potentia*, *amplitudine*, omnia *Clarissima* & *Nobilissima* sancti *Amoris* illicia concurrunt, quæ *Regias* aliquas *Nuptias* *Augustè* illustrare & beare possint, & ex quibus copiosissimi, uberrimi, & letissimi *Reipublicæ Christianæ Pacis Proventus* indies expectantur:

Novum nè alicui, *mirum*, *singulare*, *insolitum*, aut *inauditum* videbitur, *Sceptra* hæc *Augusta* *Regijs* *initis nuptijs*, ceu *sancto et illustri pignore* coalescere? *Mirum* planè, aliter si eueniret:

Quo enim *unquam tempore*, ab *omni hominum Memoria*, *inclita* hæc *Monarchia* *floricomos Hymeneos*, & *sacras Nuptias* ad *Amoris Aram* non *consecrarunt*? *An* Non è *Nascentis* *utriusque Monarchiæ cunabulis*, *sanctæ Pacis* & *Amoris oscula* *libarunt*? *Nam* cui *dubium* est, quin *innumeri inuictissimi Hispaniarum & Lusitania Reges*, *Reginarum matrum Anglarum veterum* & *ubera* *agnouerint*? *Nūquid* nō *plurimæ* *itidē serenissimæ Regina Hispana*, *Regnum Angliæ* *Potentissimis multis* & *inuictissimis Regibus* *bearunt*? *Quid aliud* est igitur *Augustas* *has coronas Nuptiarum* *sacro pignore* & *Nexu* *iungi*, quam *veteres Necessitudines* *novis amicitijs* *cumulari*, & *sacro sancti Amoris Aeternum* quasi *fædus* & *vinculum sancire*? *Qui populi* *unquam coniunctiores* & *chariores inuicem*? *tam arctis fæderibus*, *tam multi-*

multiplici nexu vincti?

Percurrantur Annales, consulantur fasti, retroacta repetantur sæcula, vetera omnia terantur Monumenta; obuia affatim suppetunt exempla, Regia ubique inter sacras has Coronas numerantur Nuptiæ longa decurrentes serie, aliæ ex alijs pendulæ, & catenatæ, Aurium veluti perennis Amoris Circulû, & orbem conficientes.

Sic Eleonora Guilielmi è victricibus Armis Regis ^{Nuptia Prima.} Titulum sortiti, filia, Alphonso Gallicia Regi elocata circa Annum Domini. 1076.

Sic Alphonso eius. Nominis Octauus Castella Rex, ^{Secunda.} inuictissimi Regis Henrici regiam filiam Eleonoram in Augustam coniugem asciscit Anno 1171.

Sic Edouardus Gloriosissimus & bellacissimus Rex, Eleonoram alteram, Ferdinandi Tertij Castellæ Re- ^{Tertia.}gis filiam Regiam, splendido sibi deuincit coniugio Anno 1255.

Heu stupor miraculi, admiratio vndique me inuadit, sensusque omnes obsidet, & vox miraculi magnitudine præpedita, officij nescia, conticescit, sine voco tamen seu tacens seu obstupefscens, memorandum vt potero, quod sentiam, eloquar facinus:

Illæ Regis, illæ Mundi, illæ omnium Decus & Delitium Eleonora, vehementis amoris, impetu exestians, Edouardum Regium Coniugem in terram sanctam co-

mitata est; cumque proditoriè in via a *Mauro* quodam gladio venenato percussus fuisset, & medicorum remedijs non tam alleuaretur quàm alligaretur, tandem in *Angliam* sine spe salutis est reuersus:

Referunt
Ludouicus
Vines l. 2.
de fami.
Christiana
na Roderic.
Archie-
pisc. Tele-
sa. in
Albis
Hist.
Rodericus
Sancius
episcopus
Palentinus
Hist. Hi-
spania. p. p.
Theodorus
Zinger. vo-
lu. 18. l. 21.
Camdenus
chrogra.
descrip.
Midel.
Ioan Stoeus
Synopsis re-
rum An-
glicarum
Paulus He-
milus
Histor. l. 8.

Eleonora Coniux nouam atque iuanditam, sed amore & pietate plenam adhibuit medelam, plagas enim dormiscentis *Mariti Regis* lingebat, sugebatque humorem venenosum, sibi que liquorem dulcissimum, cuius vigore, dicam verius fidei coniugalisi virtute, sic omnem veneni Materiam attraxit, vt integratis vulnerum cicatricibus, ille plenè curatus, illa incolumis euaserit.

Quid igitur *Mulieris* huius fide & Amore rarius, quid mirabilius, esse potest? vt uxoris lingua fide & dilectione maritali peructa, venenae dilecto *Marito* expulerit, quæ ab electo Medico trahi non valuerunt, & quod plurima exquisitaque Medicamenta non effecerunt; una uxoris pietas expleuit, magno miroque affectu, sexum et, Naturam vincens:

———Tanti dux famina facti:

Nec primam visa est similem nec habere secundam:
Quodque etià mira, & memorabilia sint æmula Hono-
ris & Amoris obsequia, quibus optimus Rex illustrem
& officiosam hanc Regina pietatem piè rependerit, hic non omittenda censeo.

Rege Reginaque Scotiam versus proficiscentibus,
(Heu fatam) morbo impetita medio itinere moritur,

Regina: Anno 1284. Decem. Idus 4.

Rex inopinato hoc fulmine consternatus, *Londinum urbem regiam* repetit, *Reginam* æstuantī calentis *Amoris* impetu vt *vinam* deperijt, sic defunctā amarē defleuit, & pijs impulsus affectibus, vota nuncupat, preces offert, elemosinas erogat, sacris, oblationibus, omnibusque excellentibus *Regiæ Pietatis* officijs, pro *Reginæ* salute deum delinit.

Multorum post-modum dierum tēdio deuorato, & per varios viarum anfractus longi itineris *emenso* stadio, ad oppidum *Diui Albani* titulo *Nobile* sacrum corpus appulit; *Clerus* & vitæ instituto *religiosi dicati* *Deo* homines, *solemni pompa*, cultu, deuotisque obsequijs accurrunt, *Corpus* prona & venerabūda *Pietate* excipiunt, & in *Ecclesia Diuo Michaeli* sacra, antè *summū altare* sistunt totaque *Nocte* (vt mos tum obtinuit) diuinis decantandis officijs, sacrisque vigilijs celebrandis, *inclŷta deuotione* honorant.

Postero die Londinum non longe disitū appellunt, Rex, cum effusa *Nobilitate* & *Clero*, celebri funebri pompa, & apparatu, obuiā procedit, *Corpusque Nobili* & frequenti comitatu, maxima omnium *veneratione*, *Vestmonasterium* illustrem *Regum sepulturam* deducitur, & in *Ecclesia diui Petri* splendida & magnifica, redolentibus conditum *aromatibus*, amplissimisque adornatum exequijs, *honorificè* sepelitur.

Iussit insuper pius Princeps, in celebrioribus oppidis & villis in quibus Honoris causa Corpus cōstitit, magnificentissimas & exquisitissimas erigi cruces Auro & Argento affabrè oblaqueatas & elaboratas, Regina singulis incisa, & insculpta imagine, & duodecim opulenta & amplissima oppida, Abbati Vestmonastrensi, dono dedit, elemosinis faciendis, precibusque fundendis, utque ad rei perpetuam Memoriam Beatissimis Regina Manibus piè parentarent: O memoranda Regia utriusque mutua in secula Pietas.

Regina hæc Hispaniarum Decus longè Florentissimum, fuit super omnes mulieres, pia, prudens, casta, modesta, laudatissima indolis & admirabili virtutū omnium concentu, ad omnem gratiam promerendam nata Princeps; Pauperum Patrona, oppressorum Asylum, Anglici Nominis perstudiosa, Regni totius Columna, grauamina enim ubique sustulit, lites diremit, Pacem fouit, & omnibus quantum potuit largiter benefecit, quam, pietas, vita, innoxia, & dijs proxima virtus, seu Clarissimum calo Sydus asseruerunt.

Sed ad lineam.

Quarta. Sic Ricardus Cordelio Rex, Berengariam Magnanimi Sanctij Nauarra Regis filiam regiam ducit uxorem Anno. 1189.

Quinta. Sic Henricus Quartus Angliæ Rex, regium inuit conubiū cū Ioanna Philippi Nauarra Regis filia Anno. 1403.

Sic

Sic *Ioanna altera, Edouardi tertij Regis filia* nuptui datur, *Henrico secundo Castellæ Regi Alphonsi vndecimi Regio filio.* Anno. 1360.

Sic *Ioannes Alencastriæ Edouardi Tertij Regis filius* ^{Septima.} *regias celebrat nuptias, cum Constantia Petri Castellæ Regis maxima natu filia,* Anno. 1369.

Cui iure Coniugis Constantiæ Regnum Castellæ cessit, ^{Octava.} *Regemque Castellæ & Legionis vterque se inscripsit, quo illustri titulo Nobile visitur illius Sepulcrum in æde Metropoli Londini, Divi Pauli sacra.*

Sic *Catharina Ioannis Alencastriæ vnica ex Constantia filia* nuptui traditur *Henrico Tertio filio Ioannes Regis Castellæ & Legionis,* Anno. 1388. ^{Nonæ.}

Sic *Edmūtu Dux Eboracensis Edouardi Tertij Regis* ^{Decima.} *iunior filius Isabellam Petri Castellæ Regis minimam natam filiam in uxorem ducit,* Anno. 1371.

Sic *Rex Henricus Octauus, Reginā Catharinam Ferdinandi & Isabellæ Castellæ Regum Regiam accipit* ^{Indecima.} *Coniugem,* Anno. 1520.

Sic *Augustus Philippus Secundus Hispaniarum & Indiarum Rex,* ^{Duodecima.} *Regio copulat conubio Mariam Angliæ Reginam.* Anno. 1554.

Et Quid nō Inuisitissimo & Serenissimo Principe Carolo & Augusta Domina Maria Austriaca Hispaniarū Infanti, idem Pronunciandum? Prædicandum? & Sempiternæ Memoræ Commendandum?

Hunc cum Nomino.

Ipsos *Veneris* Amores intelligo, quos non aliam *oris* formam, *Genarum*, *Oculorum* habuisse diceres?

Cui regia inest indoles, dotes diuinæ, Genius altus, Ingenium eminens, ad omnia Angusta & Excelsa assurgens. Mores placidissimi, Natura excellēs, Optimis ex-culta institutis, nec Præpotentis fortune indulgentia victa, nec Aula delicijs vel illecebris corrupta, nec voluptatum, Lenocinijs aut Blandimentis in prauum distorta.

Hæc Animi:

Corporis:

Species diuina & Majestatis plena, frons, lata & læta, Clari & Micætes Oculi præfulgentia veluti Lumina, Vultus Amabilis & Decorus, quo tanquã Placido aliquo sydere capti & deliniti omnes. Aspectus blandus, gratus, Constitutio Elegans, robusta tamen, & Armis omnis Generis in Palastra Martis tractâdis aptissima.

Hæc vtriusque:

Militaris Gloria partes insigniter callere. Fortibus & strenuis ex merito Palmas & Præmia statuere. Ensem scire vibrare, Tela dextriter iaculare, hastis validè decertare, equos ad cursum & perniciatē exercere, & ex Arte in Gyros ducere. Stadio Palæstrico cursitando, signum feliciter petere, frontem puluere & sudore concretum ostentare, Annis semper aliquid Maius audere.

Quæ Singula in illo Summa.

Omnia in super Regio digna Sceptro, maximè affectare.

Illam cum designo. *Aurèã vitem latificam, speciosissimis & gloriosissimis Pampinis efflorescentem delineo: Florem t' principum, Europe Gemmam, Orbis delicias Hispaniarum Decus, Gratiarum & Virtutum omnium Cælestæ Sacrarium: Quid enim illa, sanctiùs, castiùs, modestiùs? Quid item venustiùs, cultiùs, amabiliùs, quæ Regnũ quoddã Bonitatis in se exercet, in qua, Optimus quisque pulcritudinis Apicẽ constituit. Oculi illi sereni & ridentes, Mens diuina, facies decora, Majestatis simul & Amoris Sedes Corporis Elegantia summa, Artis & Naturæ Pretium, forma ad miraculũ suspicienda, vt demireris sub tam fusco & adusto sole gæmmulã tam formosulam gigni.*

Ipsa reliqua, tota Deorũ Dos, Tota Venus Tota Virtus.

Immo affirmare ausim, *Reges Angliæ Monarchas*, delectu omni habito ex totius collecto *Europæ* flore, nũquam tam Beatulas ac fælices sortitos *Coniuges*, ac *Reginas Consortes Hispanas*:

Sit prima in hac *Honoris scena*, *Regia Eleonora*.

Quid illa? nisi sexus sui *Stupor & Miraculum*?

Quid *Catharina Reginarum Maxima*? an non *Prudentiæ, Candoris, omniumque Regiarum virtutum illustre, Speculum & Exemplar*? quæ Si Bonorum desiderium attenditur? *parum Vixit*, Si Virtutũ Amplitudi-

nem, & Splendorem quibus claruit, *diu Vixit*, Si ad *fortune* Contumelias, quas inuictō tulit *Animo*, *Nimium Vixit*, Si *inclitorum operum famā & memoriam*: in omnem Viuit *Æternitatem*:

Quid, *Constantia*, *Isabella Ioanna*, reliquæque *Reginæ Hispanicæ*, nisi tot *Maritalis fidei*, *Amoris*, *Pietatis*, *Pudicitie*, *Luculenta & illustria Spectacula*.

Hæ Anglici Imperij propriæ:

Alienæ nē? & quæ hodiē in viuīs, in oculos nostros incurrunt persequar.

Quid *Isabella Clara Eugenia*, *Principum Augustissima*? illa *Prudentiæ*, illa *Consilij Sacrum Oraculum*, omniumque *Virtutum Regiarum Spirans quasi Dea & Idea*?

Quid *Serenissima & Augusta Domina Anna Austriaca Cælestium Galliarum Liliorum*? *Cælestis Altera Regina*?

Quid *Aliæ Magis Remota*?

Quid *Beatrix Potentissimi Alphonſi Septimi Imperatoris Hispanorum dicti*, filia, *Ludouici Galliarum Regis Coniux Augusta*, *ſæmina omnium Virtutum Genere ad Miraculum vſque exulta*:

Quid *Regina Blanca*, *Nomine & Re*, verè *Candidissima*, *Elionoræ Anglæ Castellæ Reginæ* filia, *Diui Ludouici Francorum Regis Mater Sanctissima*, qui tenella ætatula è *Sacra Matris institutione Pietate Hauſta*, reliquo

liquo vitæ tractu nil nisi *Regiam Pietatem* & *Christianam sanctimoniam* spiravit:

Quid Altera Beatrix Panoniarum Regina, immortalis *Hispaniarum Laus & Gloria*, *Mathiæ Coromæ Regis Coniux Inclytissima*?

Quid Clarissima Eleonora Magni Cosmi Medicei Coniux Augusta. Maximarum omnium virtutum *Mirificum Lumen & Exemplar*:

Quid hæ omnes innumeraque aliæ nisi Hispanici Nominis Decora Nobilissima, & *Sexus* sui quædam quasi *Numina & Miracula*.

De Viris Nihil dicam:

Nam, *fortissimorum*, *Magnanimorum*. *Temperantium*, *Integerrimorum*, *Prudentium*, *Marte & Musis præstantium*, *Magnificis Elogijs* ab ipsismet celebrantur *Inimicis*?

Ab Amicis igitur quid ipsis Concedendum?

Si igitur *Pax Natura sua*, Bonum sit adeò *Luculentum & illustre*, si *Nuptiæ hæ Augustæ* tam in se *Amplæ & Honorificæ*, si *Reipublicæ* tam *utiles & Salutares*, si tam *immensa secum Afferunt Commoda*; & *Ornamenta*, Si tot *Clarissimas & Splendidissimas Affinitates*, *Imperatorum*, *Regum*, *Maximorumque totius Europæ Principum*, si tot *Præsidia & Ornamenta*:

Quæ Laudes & Laureæ? *quæ Palma & Præmia* debentur tibi. *Excellentissime Didace Comes de Gondo-*

mar Clarissime qui (prosperum velut, Sydus) felicitatem passim influis, cuius Altissima Prudentia, Admirabili Consilio, Acri iudicio inuicta Patientia, indefesso studio, ingenti Cura, strenuis laboribus gloriosis conatibus, incredibili Perspicacia, Solertia, dexteritate, vigilantia, Sedulitate, integritate, fide, Candore, summo Amore, zelanti Pietate, Ardenti Affectu, Maximis Obsequijs innumerisque in Rempublicam Christianam Meritis tam vberis & Copiosa bonorum omnium Messis, tantus felicitatum cumulus lætè exurgit & exundat?

Sed uti Pictores infinitam Hominum multitudinem deliniaturi, ora, Vultus, Summaque tantum Capita confusè innuere, & in Arcto quasi Cyro, omnia inconditè concludere coguntur: sic vastum & immensum Laudum tuarum Pelagus enauigaturus, eas nec leniter aut leuiter adumbrare vel delineare, Sed in Arcto & Augusto omnia indigestè simul concumulare impellor.

Quandoquidem Gloriosius semper duxisti Res Præclaras Agere, quàm veniitare, & Virtutem Imperio, Opere, & Exemplo, exercere quam Verbis prædicare & præferre, dicam tamen Præcelsè Didace, & ut audax est Amor) liberè & fidenter dicam ad immortalem Nominis tui Gloriam:

Tu rebus Gloriosissimè gestis, & præcellentibus factis

Æterna seculorum Memoria celebrandis, conciliaſti inſigniter tibi bonorum effuſum Amorem, Malorum pronam beneuolentiã, Omnium incredibilem admirationem, famã apud Homines, Gratiã Apud Superos & Laudis Celebritatem in Terris, & Gloriæ Amplitudinem in Cælis, feliciter Comparaſti:

Beata Reſpublica tam illuſtri Pignore: Hispania tam felici Germine. Nobilitas tam inclyto Patricio, Rex tam inſigni Subdito, Seculum tam Claro & Raro Ornamento.

Felix Hispania, felix Anglia; felix per te Europa:

Quòd ſi in ſulgentiſſimo & ſplendiſſimo Honoris orbe perlucidus Corruſcet Caſtor. Quid ni Gemella Compar ſtella Radianti Caſtori Rutilus ſuus aſſiſtat Polux?

Quid ni Præcellentiſſimo deGondomar? Prænobiliſſimus Digbeius, Baro Sherbonenſis, Qui in Sanctiori Anglorum Monarcha Senatu tanquam Sublimi Majeſtatjs firmamento inter reliqua Lucidiſſima Sapientiæ Sydera Clariſſimè emicat:

Vir inclytus, Clarus, Conſpicuus, Decorus, Elegans, Amabilis, Comis, Affabilis, Splendidus, Cordatus, Doctus, Diſertus Muſiſque Charus, in Principum Negotijs verſatiſſimus & Aula Myſteriorum Peritiſſimus, quem litera, lingue, Multiplex Rerum uſus & Experiencia, diuinioreſque omnes Animi & Corporis Dotes inſigniter Nobilitant, & Qui Majeſtati Magni Phi-

lippi Tertij Hispaniarum & Indiarum Regis ob summam Prudentiam, Maximarum Rerum Peritiam, integritatem, Moderationem, Candorem, Moresque suavissimos Charissimus extitit: Apud quem pro Majestate Jacobi Regum Maximi, Sexennium incredibili Nominis sui fama & Gloria, Regij Oratoris Munere Functus, Alteraque splendissima & Nobilissima Legatione, parinuper Felicitate Oblita apud Augustum Ferdinandum Casarem à quo Magnificentissimè susceptus, & Amplissimis Omnis generis Honoribus Cumulatissimè cohonestatus est:

Sed Actio omnis Incluta & Illustris in Excelso & Cōspicuo posita (tam audacula & petulca est Improbitas) Maledicentia semper excipitur & Nigricanti Calumniam, inscitix aut invidenti deformi & portentosa filia, nata æthereos haustus, thymum, Rosam, violam, Nectareumque Mel florum fastidire, fel verò & absinthium tantum delibare.

Hinc quidam Rebus Novis Studentes, impetuosos affectibus, Ambitionis, invidentiæ, iræ, Cupidine dominandi, Rei augendæ & Popelli favorem ambiendi, quibusdam quasi furij agitati, pacifici tantum in motibus, quieti in tumultibus, felices in calamitatibus Regnis & Sceptris infensi, non magis amicabilem Concor diam, Nomenque Hispanicum quam Regalem Potestatem & Authoritatem iniquè habentes acerbis & aculeatis

leatis inuectiuis Augustas has Nuptias excipiunt:

Quo Titulo Polypragmenes? Quid angit? Quid torquet? Barbarorum planè illorum Genium & Mores in hoc induimini, qui in Victimis & Sacrificijs Offerēdis Fel Tantummodo & partes Vilissimas Dijs suis immolabant. Sic vos, Regi vestro Numini Tutelari vestro, & Alcis illius Decretis, Animorum vestrorum Pestes & Affectuum Venena, prophanè & irreligiosè immolatis:

Quin potius, Meliora Æmulamini Charismata, & Gentiles illos Piè imitami, qui in Sacrificijs Coniugalibus, Iunoni Celebrandis, Felè Victimis tollentes, Holocausta tantum Pingua, Medullata, Grata, Lata, Iucunda, Placencia, Gaudentes offerebant.

Deus Bone? tantam animis Hominum, inesse inscientiam? Quis? Quo Titulo? minus arrident? Augustæ Ha Nuptiæ? Quia ineundæ non sunt (inquiunt) Quibuscum aliquando intercesserint inimicitia: Bellè, nusquam igitur contrahendæ: Non cum Gallis; Constat enim inter illorum Monarchas et Vestros, flagrantissima saepe & accerrima exæstuassee Bella: Non cum Germanis: illinc enim Anglici Imperij Sceptro, haud leues olim illata & irrogata iniuriæ: Non cum Italiâ:

Nam cum Principibus Italia. Non semper integra & illa stetit Amicitia:

Ad stadium Recurro.

Non cum Hispanis aiunt, quod illi Nuper Inimici.

At Amicissimi Olim Hispani, & Nunquam fortassis Iniqui:

Nam licet Anno Octuagesimo Octavo, Hostili Apparatu Exercitum adornauerint, Hoc tamen Non Attentabant, nisi Grauib. prius & Atrocibus laceffiti iniurijs:

Cuius adeò Aures ab Omni Rerum Notitia & No-uitate peregrinantur, vt tam Luculentam & illustrem Veritatem Non intellexerint?

Quot Depredationibus & Pyraticis Incursionibus sæpissimè, Vexati Hispani? Quoties Terra Marique Bonis omnibus exuti & expilati? Quam immensa Vis Auri & Argenti, Alternantibus Temporum Vicibus illis Adempta?

Et Quota Pars vnquam reddita, & in integrum restituta?

Vt Nihil dicam de frequentibus Auxilijs Perduellibus Batauis Contra Legittimum illorum Regem tot Annorum Tractu præstitis?

Sed fuerint Ad Tempus, Auerfi, & Insensi Hispani?

Semper nè igitur Alenda Inimicitia, Nutricanda Odia?

Pijs & sensatis Auribus satis familiare.

Inimicitias omnes Mortales, Amicitias Immortales esse debere.

An Nouum Euangelium? Nouus & Alius Christus?

At *Æterni Patris Vnica Delicia Christus*, *Beati Oris sui Afflatu*, *Oracula hæc pronunciauit.*

Amandos Proximos: Diligendos Inimicos:

Inimici ex Christi Mandato diligendi?

Quo igitur Cultu? Quibus Obsequijs? Quàm Insignibus Amoris Humanitatis, & Pietatis Officijs, Complectendi & Demerendi Amici? Veteres præsertim, Fideles, Integri? Constantes?

Secundò, Hocillos Malè habet.

Quòd differentes & diuersi sint Hispanorum & Anglorum Genij, Mores Dissoni.

At illorum Mores, Sedati, Graues, Culti, Compositi: Homines, suo pte Genio & Indole, Prudentes, Frugi, Temperantes, Affectuum suorum Domini:

Si Mores istiusmodi vestris Potiores?

Cur non Amplectendi; & induendi?

Sin alij? Non sunt verè Hispanici, sed Spuriij, Illiberales, Adulterini, atque ita Respuendi, Reijciendi, & Contemnendi:

At Hispani Humani sunt;

Ergò Nec tendis Amicitijs maximè Idonei:

Ingeniosi sunt:

Ergò Deliniendis & Demerendis Affectibus Aptissimi:

Arguti sunt:

Ergò in Societate, & Aulicorum Coronis, Chari,

Grati, accepti.

Non enim *Cornea* nunc sunt *Hominum Fibrae*, *Agrestiae* adeò *Pectora*, aut tam *Ignobili Surgunt Pracordia Luto*:

Quinimò ad Morum Cultum, ad Urbanitatem & Elegantiarum omnium Veneres omnia Composita:

Quid Nì igitur Anglis cum Hispanis Optimè Conueniret? Cum Seculis Retro Actis, Maxime & Celebris inter Augustas Has Coronas Floruerint Amicitiae, Maxima Animorù Coniunctio, Summa Morum Affinitas & Similitudo, idemque Nunc stringat Nexus, Officiosa eadem Constringat Pietas, Sanctumque idem Subsistat Amoris Vinculum & Illicium.

Atqui Alia Ratione Augustae hae Nuptiae propalàm malè Audiunt, Nempe ob Varios Religiois Ritus & Instituta:

Hac Scilicet, Religionis Disparitas Lapis Offensionis & Petra Scandali:

Sed ô Fastorù Consularium & Saculi Sui & Superiorum aut planè Inscij, aut parùm Periti Homines?

Incipiamus à Recentioribus.

An Non *Antonius Henrici Galliarum Nuper Regum Maximi Pater, Fide & Institutione Catholicus, Ioannam Albretanam Nauarra Reginam Protestantium Ritus secutam in Matrimonium Ducit, 1529.*

Sic ipsemet Henricus Quartus Nauarraus Pridem Rex,

*Rex, Protestantium Institutis Imbutus, Margaritam
Valesiam, Henrici Secundi Galliarum Regis filiam, Aui-
rae Fidei tenacem, Re & Voto Catholicam, Luteciae Rega-
li Pompa Maximaque Principum & Procerum frequen-
tia & Concurfu in Ecclesia Diuæ Virginis Mariæ Sa-
cra, & Celebris, (vulgò Nostre Dame) Regiam asciscit
Coniugem:*

*Dextras Iungente Carolo Borbonio Cardinali
Henrici Auunculo. Anno 1572.*

*Quòd Actio Hæc fuerit Dignitatis & Majestatis
Plena, Nobilique Pompa & Apparatu Celeberrima;
Qui fusiozem illius Narrationem desideret, illum
remitto ad librum inscriptum, Memoires Fran. impr:
Anno 1579.*

*Sic Praxis & Vfus Hodie obtinet per Vniuersam
Galliam, Germaniam, Daciam, Sueuiam, Poloniam,
Hungariam.*

Altiùs Rem Repetamus.

*Sic Regia Clotilda, Chidelberti & Clotarij Regum So-
ror, Re & Relligionis Ritu Catholica, Nuptui datur
Almarico Regi Hispaniæ Arriano. Anno Christi 514.*

*Vide Chro-
nicon Sigi-
berti p. 23.*

*Sic Sigisbertus Mediomarticum in Francia Rex Fide
& Affectu, Catholicus Vxorem duxit Brunichildem,
filiam Regis Hispaniæ Athanagildi Arriani Anno 569.*

*Gregorius Turonensis: Author Pergrauis eam sic
laudat.*

Erat inquit.

Lib. 4.
Cap. 26. *Puella Elegans Opere, Venusta Aspectu, Honeſta Moribus atque Decora Prudens Conſilio, Blanda Colloquio.*

Sic Chilpericus Sueſſonum in Francia Rex, Sigisberti Frater, Voto & Inſtituto, Catholicus, Vxorem accipit Glaſſunitam Arianam quam Alij Gaſvimdam Bruichildis ſororem. Anno. 570.

Sic Carolus Craſſus Gallorum Rex Fide & Profeſſione Catholicus, Regiam Sororem Gilellam Catholicorum Sacris Imbuta, Nuptui dat Rolloni Normandiæ Duci, Non Fideli. Anno. 1133.

Sic Ethelbertus Rex Anglorum nec dum Fidelis, Bertam Clotarij Regis Francorum filiam, Fide & Inſtitutione Catholicam in Vxorem Accipit. Anno 1014.

Robertus Gagineus in Compendio Geſtis Francorum l. p. In vita Clotarij Primi.

2. Reg. 3. *Sic Sanctiſſimus Rex David Deo Dilectiſſimus & Perchariſſimus, Maacham Tholomai Regis Geſſur filiam in Vxorem ducit.*

3. Reg. 3. *Sic Moyses Princeps Populi futurus, Spiritu Diuino Afflatus, Æthiopiffam duxit Alienigenam.*

Numer. *Sic Booz (à Quo Chriſtus) duxit Ruth Moabitidem:*

Cap. 12.
verſ. pr. *Sic Formoſiſſima & Piſſima Regina Heſter: Hebreorum Sacris Religioſiſſimè imbuta, Perſarum & Medorum, Magno Monarchæ Aſſuero, ex Alia Tribu &*

Populo non Hebraeo, Nuptui traditur :

O Quam Innumera hinc promanarunt Bona, Quàm Copiosa & Cumulata Undique in Hebreos exundavit Benedictio? Cum Millenorum Millium Hebreorum, Salus, Vita, Fortune, per illam Sarta, Tecta, & Servata fuerint:

Sic Altera Speciosissima & Gratiosissima Hester, Republica, illustrandæ, Populisque Beandis a Deo Nata & Data:

Et sicut Omnium Totius Europæ Principum Regum, Imperatorum, Sanguis Corda, Affectus, in Gloriosissimo hoc Cælitus Demisso Conubio adunantur; Ita Par omninò, ut Omniū Domi Subditorum, Studia, Affectus, Volūtates, in Regali Sacra hac Principum Vnione Coalescant & Conspirent.

Nam Suprema Populi Felicitas est, è Principis Nutu & Voluntate, tota pendere.

Regis enim ceu Principis Supremi Voluntas, instar Supremæ Sphæræ, omnes inferiorum Voluntatum Orbes Motu suo Consono, & Regulari, Circumferre debet:

Ut enim in Corpore Naturali vnum Præminens Elementum Dominium semper & Imperium in Alia exercet: ita in Mistico & Politico, vna Suprema Principis Voluntate, Ductu, & Imperio, Reliqua Membra Politica in fide & Officio, Continenda: Abyssus Multa Principum Mysteria, Nec temerè Propalanda vel Pro-

phananda à Populò, aut sine Piaculo exagitanda:

Hinc Liquidò *Constat Autoritate ducta, ex Sacrarum Literarum Oraculis: ex Recepto Vsu Ecclesiae, Temporum Praxi, Principum Consensu, & Consuetudine, Disparitatem Cultus, Regijs inter Principes Conciliandis & Contrahendis Nuptijs Nullum esse Impedimentum:*

Quin *Pregnans & Pertinax Ratio Hoc idem euincit, Imò, Necessitas quædam Urget & impellit ex Principum Mysterijs & Arcanis status Petita:*

Quibus enim Oris aut Orbis Angulis, Regia Aliqua Virgo Conquirenda & Ducenda eiusdem Cultus & Instituti, quæ Serenissimo Principi Carolo, Maximi Regum Augusti Jacobi, filio, Genere Stemmata, Fortuna, Majestate, Potentia, Amplitudine, Imperio, Clientelis, Affinitatibus Par inueniatur?

Huiusmodi enim Homines, Qui Principum Mysteriorum, Aliaque Decreta minimè Capiunt & Penetrant, Sed Omnia Malè sani Cerebri Debacchantibus Furijs Metiuntur, Equè Honorificum Ducunt, Si Augustus Aliquis Princeps Rupellæ Præfecti, aut Londoniensis Prætoris filiam Ducat, modò eiusdem Cultus, Perindè ac Potentissimi Alcuius Orbis Monarchæ Regiam filiam, Diuersi:

Sic Multicipitis Instar Belluæ: semper.

Scinditur incertum Studia in Contraria Vulgus:

Secundò:

Secundò:

Periculum Nullum subesse potest *Nutationis* Alicuius in *Fide*, aut *Principi*, aut *Populo*, in *Regno* praefertim optimè *Instituto*, *Optimis Legibus* fundato, vbi *Sacra* *Stabilita*, *Sanciti* *Ritus*, longo *Vsu* & *Consuetudine* *Recepti* & *Confirmati*; vbi *Lecltissimus Clerus*, *Concionatores* *Celebres*, *Florentes Academia*, *Eruditi Pralati*, *Graves Antistites*, Totque passim *Magni Nominis Rabbini*.

Imò *Verisimilius* Multò vt *Princeps* Tot *Subsidijs*, Tantoque *Apparatu* *Instructus*, *Regiam Sponsam* Ad suam potius *Pelliceret*: Quam è *Contra*: Cum *Regia Virgo*, *feminella* sit *Delicatula*, *Tenella*, *Procul* A *Patria*, Ab *Amicis*, inter *Aulici* *Luxus* *Delicias* *Nata* & *Enutrita*, *Regijs Blanditijs* *Assueta*, *Fortune Sinu* *Molliculè Fauta*, Ad *Quam* Non *Spectat* In *Doctorem* *Sophismata* & *Argutias* *Inquirere*, *Libris* aut *Litteris* *Incumbere*:

Quid *Vna Femina Princeps*, suis Tantùm *Stipata* *Palatinis*, *Comitata Matronis*, *Ancillantibus* *Cincta* *Domicellis*, *Contra* *Numerosam Doctorem* & *Antistitum Coronam*? *Contra* *vniversum Regnum*?

Tertiò, in *Regnis Vicinis* *Amplis*, & *Diffusis*, Vt *Gallijs*, *Germania*, *Polonia*, *Hungaria*, *Sueuia*, *Dacia*, *Belgijs*, vbi *Dissidentium Cogitationum* & *Opinionum* sunt *Pugna*, in *Quibus Homines* *Diuerfos Ritus* & *Instituta* *Profluentes* *Permisti* *Confusè* *simul viuunt*,

*Disparitas Hac Cultus Non Officit, Cómuni Homi-
num Societati, Mutuòque inter se Conuietui, Multò
minùs Nuptijs Contrahendis:*

*Quinimò Conditione Temporum Spectata; Perhu-
manè illis fauor Indultus, idque Sancitis Ediëtis, Vt
suopte More, Marte, & Instituto Quilibet viuat, Ob
Publicum Bonum, Pacemque Ciuilem Tuendam & Con-
seruandam:*

*Nam Ea Est Fidei Virtutis Indoles: vt Suaderi Possit:
Imperari Numquàm Possit:*

*Non enim in Animorum Commotione aut Execer-
batione Dominus, Non in Igne Seditio-
num Dominus, Non in Dissidiorum Turbine aut Contentio-
num Strepitu: Sed in Leni Sibilo Suauibusque Pacis Zephyris Spi-
ritus Domini.*

*Etsanè E Re Cuiuslibet Regni, & Reipublicæ, Pluri-
mū foret, Si Homines Varijs de Religione Opinionibus
Imbuti, Hi Veris ac sinceris, Isti, fucatis ac Phaleratis,
Malignantis omnis Odij Fermento Ablegato, Pacificè,
Tranquillè, Amicabiliter, Urbanè, Liberè, & Suaui So-
dalitio simul Conuersantes, Mutuam inter Se Consue-
tudinem & Conuietum fouerent, vt sic (Dante & Offe-
rente se Occasione,) Iunctis Animis & Armis, Pro
Principe & Patria perstrenuè Dimicare & Decertare
Possent; Nam Nihil Aliud Existimandum Est Cuspis
illa Qua Æolus Montem impulit ac disiecit, Quam*

Mucro Discordiæ:

Et Omnium Animis Impressum Maneat Celeberrimi illius Medici Effatum: Qui Humani Corporis Admirandam Fabricam Dissimilibus Partibus & Organulis Conflatam Contemplans, Omnia tamen unum Quid esse Pronunciauit, Quòd Vna Contegerentur Pelle:

Sic Animis sæpè Recolendum & Recogitandum,

Licet in Fidei Duellis Varij Sint Hominum, Sensus, Assensus, & Indicia:

Omnes Tamen Icto Quasi Fadere in Coagulum Semipiternæ Amicitiae Coire, & Vnum Quid Dici & Esse Debere, Quòd Ab vno Conditi sint Opifice, Vno Lauacro Lustrico Sanctificati, Vno Christo Redempti, Vni Cælo Destinati, Vno Trinoque Deo, Summo Bono Beandi:

CVM Igitur Tres Maximos Totius Reipublice Christianæ Monarchas In Augustarum Harum Nuptiarum Vno Trinoque Nodo & Nexu Astringi & Deuinciari Fata Fæliciter Concesserint (Luculentum Diuinitatis Opus & Altissimum Dei Consilium) Facinus Itèm Aliquod, Insigne, Memorabile, Excelsum, Ad illustrandam Dei Gloriam Ab illis Designandum, Piè & Sperandum & Expectandum est:

EcQuod Aliud: Quàm vt Inclutam Illam Fidē cuius Augustos Titulos in Scepтрis Gestant, propagent, Amplificent, Defendant? Vt Enim Omnia Sacri Bel-

li Initia a Diuini Cultus Studio Promanarunt: Ita ad Eundem Cultum Proferendum & Propagandum Suscipi & Iniri Par Est:

Qui Enim Iosuum, Samsonem, Gedeonem, Dauidem, Contra Philisteos, Amalechitas, Amorrhæos, Reliquosque Infideles Armauit, Idem Præpotens Mundi Arbiter Deus, in Cuius Manibus, Bellū, Pax, Victoria, Vobis Ab Alto Detonat, Vt in Suos Vestrosque Hostes Arma Conuertatis:

Quid Ni Igitur Coniunctis Armis & Animis, Adornatis Classibus, Instructis Copijs, Conscriptis Exercitibus, in Christiani Sanguinis Helluonem, Gladios Stringant, & Ottomanici Nominis Fasum, Conculcent, Conterant, Debelleant:

Neque Quisquam Illos Aliter Animatos Esse facile Credat, Si Gloriosa Insigna Sua & Diademata inspexerint, Quinimò illinc Præclaros Impetus Ingigni, & Ardentes Stimulos & Fates Pectoribus Eorum submoueris, Ad Maiorum imitandā Virtutem, Fortiaq; Æmulanda Facinora:

Celeberrimæ Nāque Illorum Victoriæ, Splendidissimi Triumphi, & Nobilissima De Christi Hostibus Reportata Trophæa, Ad Regia Calcanda Vestigia, Regia Representanda Facta, Regios Mirificè Acuent Et Accendent Animos:

Gentiles Antiquitus Ob Maiorum Suorum Violata Sepulcra:

pulcra, *Acerrima* gesserunt *Bella*, *Et Pro Gloriosissimo Christi Domini Sepulchro*, *Pretiosissimo Humanæ Salutis Pignore & Thesauro*, *Ab Infidelium Manibus Vindicando?* *Aut Sumptibus*, *Aut Sudoribus*, *Aut Sanguini*, *Aut Vitæ Vobis Parcendum?*

Meminerint Terram illam Sanctam, *Florentem LACTE & MELLE* *Manantem*, *Quæ Christum* *Excepit Vagientem in Cunis*, *Disputantē in Sinagogis*, *Concionantem in Templis*, *Instruentem in Turbis*, *Miracula Innumera Patrantem*, *& Redēptionis Opus* *Peragentem*, *Benedictionem Esse Abraham*, *Possessionem Jacob*, *Christi Patrimonium*, *Ecclesiæ Hereditatem*, *Pietatis Sacrarium*, *& Sacra Fidei Deposita*: *Deposita* *Maximi Reges Vestre Fidei & Regiæ Tutelæ* *Commissum & Concredidum*, *E Regijs Manibus Vestris Repetendum Aliquando & Reposendum.*

Maiores Vestri (Adoranda Memoria Reges) Ramirij, Sanctij, Alphonsi, Clodovei, Ludouici, Caroli Magni, Baldvini, Edouardi, Henrici, Ricardi, *Non Minori Sibi Gloria Duxerunt*, *Victricia Crucis Signa*, *Sacraque Trophæa in Balsamifera Ægypti Confinibus* *Erigere.*

Quàm Domitor Olim Orbis Alexander, *in Vltimis Indiarum Finibus Aras Votivas Ponere*; *aut Inuictus Hercules*, *Pro Longæ Navigationis Metæ*, *Geminas Columnas*, *Imò Nullum Fortunarum, Capitis, Vitæ, Dis-*

crimen recusarunt, sed Sancto Zelo Perciti, Innumeras suscepunt Expeditiones, Adierunt Pericula, Gloriosos & Heroicos exantlarunt Labores:

Vos Illis Neutiquàm Inferiores: Non Gradu aut Dignitate, Non Titulis Aut Sanguine, Non Munere & Officio, Non Majestate Aut Amplitudine., Non Potentia aut Imperio, Non Terris aut Latifundijs, Non Armis aut Viribus, Imò Antiores multò, Opibus & Prouentibus, Augustiores Regnis & Imperijs, Potentiores Populis, Instructiores Copijs.

Vt Quod illis Molestum & Graue, Vobis Gratum & Leue, Quod illis Sumptibus Onerosum, Vobis Æquum & Moderatum. Quod Illis Imperuium, aut Difficile, Vobis Facile Fautum Fælix, Futurum, sit:

Vos Regnorum & Imperiorum Protectores, Christiani Nominis Defensores, Patres Patriæ, Appellamini, & Meritò: Reges Enim Estis, Aliquid Supra Homines Estis, Dij In Terris Estis, Dei ergo Causam impensiùs agere, Quàm Vestram, Prælia Domini Præliari, plus Quàm Vestra, Par Est.

Nolite Bellis Intestinis Mutuis Vos impetere, in Vometipso Enses Stringere, Nolite in Viscera vestra, in Confratres, in Homines Christi Sacris Initiatos, Arma Sumere:

*Heu Quantum Potuit Terra Pelagique Parari
hoc què fuderunt Ciuiles Sanguine Dextra.*

*Hostes Vobis Veros Certosque Innuam; Qui Nostri
 efferi sunt Vulneribus, Qui Nostro Sanguine Ebrij, No-
 stris Elati Spolijs, Qui in Præcordia & Penetralia Vestra
 sæuire Gestiunt, In Hos Victricia Arma Conuertite, In
 Hos, Omnem Belli Impetum effundite, in Horum Exi-
 tium Et Internecionem Properate: Frangite illorum Au-
 daciam, Comprimite Fastum, Potentiam Atterite,
 Vires Retundite, Debellate Acies, illorum Furorem,
 Vestra Fortitudine, Temeritatem Consilio, Scelus,
 Virtute, Vimque Vi, Fæliciter Superate.*

*Principatuum Tituli Vt Prodidit Augustinus In Di-
 uino Censentur Munere.*

*Et Gloriosi Hi Tituli, Alta Hæc Insignia Honoris,
 Majestas Hæc Nominis, & Amplitudo, in Augustis
 Personis Vestris Confluentia, Non sunt Ostentationis
 Tituli, sed Muneris, Non Potentia Illecebræ, sed Officij
 Sacra Symbola; Tātum Hoc in Humanis Imperium, Non,
 ad Leuia & Ludicra, sed ad facinora, Alta, Heroica,
 Diuina Perpetranda, Collatum est.*

*Pro Hierosolomis, Ciuitatum Sanctissima, Pro Regia
 Constantinopoli, Urbium Regina, Mundi Domina, Impe-
 rij Olim Apice, Orientis Gloria; Pro Palestina Christi
 Incunabulis, Prophetarum & Apostolorum Calo Solo,
 Sede, Martirū Relligiosissima Sepultura Sacra Fidei Mo-
 numento Clarissimo, Antegenitores Vestri Reges, Quas
 Non Deuorarunt Difficultates Adierunt Pericula,*

Commiserunt Prælia ? Vos *Augusti Serui* (*Christi Regis Vestri*) Regia rursus illic Erigite vexilla, Exaltate *Trophæa*:

Triumphalis Hæc *Palma* a Deo vobis *Destinata*, Amplissima hæc *Gloria* vobis a *Maioribus Relicta* & *Reservata*, vt *Augusti* ab *Illis* orti, *Augustè* per *Illorum* *vestigia* *Gradiamini*.

Ea igitur *Accumulate Victorias* *Victorijs*, *Triumphos* *Triumphis* *Nectite*, & *Quam* *Maximis* *Regibus*, *Atavis*, *Proavisque*, *Hereditariam* accepistis *Gloriam*, *Perillustribus* vestr^{is} *Virtutibus*, *Diuinisque* in *Rempublicam* (*Christianam* *Meritis*, *Cumulatiorem* *Reddite*.

Gloriosa *Illorum* *Gesta*, *Æquis* *passibus* *Adæquate*, *Capta* *Heroica* *Attollite*, & *Quæ* *Prosperè* *illi* *Auspicati* *sunt*, *vos* *Felicius* *Perficite*: vt *Hæreditate* *illa* *sancta*, *In* *Ius* *vestrum* *Postliminio* *Recepta*, *perpetuum* *illius* *imposterum* *Obtineatis Imperium*.

Invidete *Posteris*, *Clarissimam* *Hanc* & *Uberriam* *Gloriam*, *Beatam* *illam* *Terram* ab *Infidelium* *Iniquissimo* *Dominatu* *Vindicandi*: *Nunquam* *diuinitus* *Talis* *Nata* & *Data* *occafio*, *Nunquam* *Tàm* *Beatum* *Partum* *Otium*, *Nunquam* *Tàm* *Alta* & *Alma* *Pax*, *Nunquam* *Tàm* *Numerosi* *Populi*, *Tàm* *instructi* *Exercitus*, *Nūquam* *Animi* *Bellantium* *Tàm*, *crecti*, *Nunquam* *tàm* *Gloriosa* *Præda*, *Nunquam* *Homines* *Tàm* *Animosi*, *Nusquam* *tàm* *Fauentia* *Numina*:

Pro

Pro Tàm *Augusto Beneficio*, Tàm *Pio Obsequio*,
Tàm *Illustri Facinore*, *Amplissima* Vobis in *Calis*
Merces Reposita, *Sempiterna in Terris Consignata fama*.
Quot Vobis in *Sacro Hoc Bello Cruces & Cura*, Tot
Imarcessibiles Adornata, Palma, Laureæ, Corona.

O *Martis Decora*. ô *Militiæ Flores*, *Inclyti Duces*,
Strenui, Milites, Animæ Fortes, & Generosæ,
Quæ Sub Inuictis Regum Signis, & Vexillis Militatis,
Eorumque Obsequijs & Imperio, Fortunas, Vitam, Sanguinem,
Consecraſtis, Ad tàm *Illustres Triumphos*, Ad
tàm *Victrices Palmas Certatim vos Voco & Inuito*. Vbi
Gloriosius Effundi Sanguis? Vbi Felicius vita victima
Destinanda? Vbi Vberior & Luculentior Gloria
Comparari Potest?

BEATI, Si *Decoram & Gloriosam Mortem Obi-*
turi, Sanguinem Pro Illo Oppignoretis, Qui Prodigè
Prior, Suum pro Vobis Profudit, BEATI, Si *Vitam*
Fato Debitam, Deo Vitæ, Et Naturæ Authori, Denu-
neatis.

In *Bello Tàm Inclyto*, In *Tàm Sacro Certamine*,
En vobis *Omnia Ad Laudem Magnifica, Splendida*
ad Honorem, Ad Nominis Immortalitatem Illustria.

O SACRI REGES: ô *Magna Mundi Numina*,
Pro *Diuina Qua Polletis Sapientia*, Pro *Inuicta*
qua Excellitis Animi Magnitudine, & Incredibili Qua
valetis Potentia, in Facinus Hòc Gloriosum Incumbite,

Urgete, Premite, Promouete, & in Opus Feliciter Educite: Celum, Terra, Angeli, Homines, Proni Supplices Enixis Votis Vos obtestantur, obsecrant, Per Terram Illam Sanctam, Quam Christus Beatis Pedibus Calcauit, Per Sacras Lacrimas, Quibus Lauit, Per Pretiosum Sanguinem Quo Irrigauit, Per Fidem Quam Prædicauit & Docuit, Per Miracula Quæ Patrauit, Per Sanguineas Guttas Quas Sudauit, Per Labores, Quos Sustulit, Per Vitam Quam Immolauit, Per Mortem Quam Obijt, Per Gloriam Quam vobis Acquisiuit, & Qua VOS Beabit.

Testes, Inspectores, Adiutores, Habetis, Deum, Angelos, Homines, Agmen Ducent Angeli, Præliabundi Insistēt Homines, Successum spōdet Deus: Annuet Deus CÆPTIS, Angeli Asistent, Seruient Homines, & Omnium Subseruient & Subsequentur, Vota, Vt Vobis Hoc, Faustum, Felix, & Fortunatum EVENIAT.



MAGNA DEVM SOBOLES,
 SACRA REGVM PROGENIES.
AD Majestatis Vestræ PEDES Prono-
 latus, venerabundo OBSEQUIO, Deuo-
 tissimo AFFECTV, & Observantissimo
 CVLTV; SUPPLEX me SISTO.

DATE VENIAM, PRINCIPES
 AVGVSTI, Date Veniam, PAR,
 NOBILE, ALTVM, AVGVSTVM,
 PAR Annis Et Animis, PAR Stemmata & Sangu-
 ine, Regijs PAR Fortunis, PAR Regibus Augu-
 stis Parentibus, SVCCRESCITE, EFFLO-
 RESCITE, ASSVRGITE, & Aureos AMO-
 RIS & HONORIS Fructus & Flores Emittere,
 & LAETA Propagine, PRINCIPES, REGES,
 IMPERATORES, Partus Augustos, AMBO-
 RVN AMORES & DELICIAS Fæliciter
 Germinate.

Siat NATINATORVM & Qui NAS-
 CANTVR AB IPSIS:

En CÆLVM, TERRA, Numina, Homines,
 SVPERA, INFERA, Omnia, Augustarum
 NVPTIARVM Vestrarum MAIESTATI,

Et FÆLICITATI Arrident; VESTRA Claritudine & Magnitudine, VESTRA Gloria Et Potētia, IN-GRANDESCIT ORBIS, Stat, Viget, Floret, Vestra SALVTI, Publica SALVS, Vestra FÆLICITATI Omnium FÆLICITAS innitur.

NVPTIÆ NVMINVM, Sacrum Donum, Optabile HVMANI GENERIS Bonum, Naturæ Institutum, Gratia SACRAMENTVM, Vitæ Fulcrum, Amoris Solatium, Societatis Vinculum, ÆTERNITATIS SYMBOLVM, IMMORTALITATIS, Semen, Ab illis, Et in illis, PAX, SALVS, PROSPERITAS, Omnia MORTALIBVS Bona Proueniunt.

Seminent NIVEAS GEMMAS Per Villas PRINCIPES, AVRVM Et ARGENTVM, Per iacentes Latè Campos Spargant; AVREAS, Hasce BEATAS MESSES, Non nisi MÆRENTES Demitterent, sine SPE Liberorum.

NVLLÆ etenim Tàm AVGVSTÆ OPES MAGNIS IMPERIIS AC RÆGIÆ PROLES: Regnorum Firmissimæ Columnæ, Spes Tutissimæ, Gloria suprema:

Vestris PRINCIPES Latis NATALITIIS, Tanquam Preciosissimis GAZIS & THESAVRIS Nobilitatus Est Mundus, Vestro Splendore

MICAT,

MICA T, Redianti MAIESTATIS Vestrae FVL-
GORE Triumphat.

GLORIOSI PRINCIPES Sacri CÆLI Gemini,
Orientes Mundi SOLES, Terræ Lumina, Vt Non
Æque Placido Et AVSPICATO Aspectu Sol om-
nes Aspicit Planetas, Sic Nec iidem Vos LV-
MINIBVS Superi, Quibus Reliquos MOR-
TALES.

SPLENDENT In Vobis DIVÆ VIRTUTES

Tanquàm in Lucidissimo suo MERIDIE

Resident, GRATIÆ Tanquàm in Altissimo
HONORSI HORIZONTE,

TV CAROLE INVICTE, Principum Prin-
ceps, TV AVGVSTA MARIA Inter Reginas
Quæpiam Quasi DEA, Et Inter DEAS Regina,
VTERQVE Superû AMORES Et DELICIÆ,
Imperiû Columina, Populorû Præsidia, Regû Ger-
mina, EVROPÆ Lumina, AVREA Orbis ASTRA.

CAROLE TER INCLITE Principum FÆLI-
CISIME

Vti IOVI in CÆLIS Sapientissima DEÆ ME-
TIS, Sic

Tibi in TERRIS, DIVARVM MAXIMA Et
AVGVSTA.

Gratiosissima Designatur SOCIA.

Sic Syderum Legibus, Et Benigno Numinum Fato, Et

Natura Instinctu, *Regia* Semper Aquilæ Petunt Aquilas, Sceptra CÆSARES.

Cedri Libanum, Soles, Cælos, Lilia Rosas, Gemma Aurum, Et Deorum Alto Decreto, Et Occulto NATVRÆ GENIO. Gens Augusta Regum Diuumque Ferax, REGIO suo Gaudet Et Triumphat COMPARE.

Tibi INVICTISSIME PRINCEPS, Mens, Alta, Augusta, Aetherea, Purissimi instar Ignis, Infima Deditantis; & in Sublimi Superum SPHÆRA Stationem Collocantis:

TIBI PRINCEPS SERENISSIMA, Spiritus, Purus, Sacer, Beatus, E Diuiniore CÆLI Aura Delibatus, Diuinum Solem Tuum, Cælestis Instar Aquilæ Inconniuenti Acie obrutum Defigentis, Et in Terris Nil Minus Quàm Terram SPIRANTIS:

TV CAROLE PRINCEPS SPONSE, Vernantem CÆLI ROSAM, Perpetuum Prosperitatum Ver Mundo Refundis;

TV PRINCEPS SPONSA MARIA, Regijs Edita Aquilis, Potentiæ Augusta Symbola, Felicissimum Et Beatissimum in Homines IMPERIVM, Et Principatum Augurantia, Prosperè Præ Te Fers;

VOS AVGVSTI Animati Soles, Ad Quos CÆTERI HOMINVM HELITROPII veluti Flores, ora, oculos, Animosque Conuertunt omnes.

ASTRA DIVINA in Glorioso Hoc Mundi Firmamento Splendissime Corruscantia ; Lucetis *Virtutibus*, *Maiestatis Radijs Micatis*, Mulcetis *Aspectibus*, Lumine reficitis, *Aura* viuifica *Fouetis*, Numine Beatis.

SACRÆ PERSONÆ Vestræ, Altissimum *Honoris Theatrum*, in Quo MAIESTAS *Augustam* omnem suam *Gloriam Et Magnificentiam* Expandit Et Explicat:

VITÆ VESTRÆ, *Lucidissima Specula*, omnes in sui *Cultum*, Et *Admirationem*, Excitantia.

AVLÆ Vestræ SACRVM *Templum*, in Quo VIRTVTI Religiosè litatur:

EN MVSÆ, Victrices Dicant PALMAS DIVINÆ VESTRÆ VIRTVTI, Triumphales LAVROS SACRÆ FIDEI, *Cyprias Myrtos*, casto AMORI, VIRIDANTES OLIVAS, Suavi Benignitati, IMO VICTRICES PALMÆ, Festam suam Pompam, Florentes LAVR I virentem Amœnitatem & AMANTES MYRTI speciosam Venustatem, Et Feraces Oliuæ Comptam Et Comatam Gloriam, Et IMMARCESSIBILES AMARANTI Perpetem suum virorem, Et omne Florum Genus, Suaues suas Delicias, Veneres, & Grattias, Ad Nectendas Coronas, Ad SACRA CAPITA Vestra HONORIS TEMPLA Incingenda

Asservant:

VOBIS SVPERVM NVTV. Delata Sceptra,
Regnorum Commissa Gubernacula, *Sacra Legum*
concredita *Custodia*, Populi Commendata Prote-
ctio:

TANTAM HANC FORTVNÆ EMINEN-
TIAM, Tantum Hoc Dignitatis Fastigium, ET
MAIESTATIS *Imperium*, Debetis VOS DEO,
VOBIS Mundus; *Augustam* Hanc *Felicitatem*, Et
lætam *Quæ* omnes in Terris Beat, & Facundat PACIS
PROSPERITATEM.

Referunt Scriptores in *Insulis* HISPANIOLIS,
Deitates Duas, PATRIA DVO NVMINA,
Deuotissimo INDOS Adorare CVLTV, ET
OBSEQVIO, Ad Quos *Preciosiora & Potiora*
sua DONA ET BONA singulo *Quoque die*
Deferunt:

VANIS ILLIS COMMENTITIIS Ab-
dicatis Dijs: VOS SANCTA ET FÆLI-
CIA BINA in Terris Regnatis NVMINA;
Quibus optimi Quique MORTALIVM, (*cor-
da, vota*, Affectus, Ditissimos Veluti Et Diuinissi-
mos Animorum THESAUVROS Offerunt:

PRO MAIESTATIS vestræ FASCI-
BVS Et SYMBOLO, PRO GLORIÆ
HIEROGLIFICO, Aut *Potentia Insignibus*,
Non

Non opus VOBIS TITVLIS, Aut TRIVM-
PHIS, Non excisis E MARMORE STATV-
IS, Tot Enim VOBIS AVGVSTÆ POSI-
TÆ STATVÆ, Quot vllibi HOMINVM
Spirant PECTORA, Totque DIVINIS Vestris
VIRTVTIBVS Dicata TEMPLA, ET AL-
TARIA, Quot Vspiàm sacri Vigent Affectus, ET
CORDA DEVOTA.

DEVS, MAXIMI PRINCIPES, Diuo
Hoc VOS IVNXIT CONNVBIO, Et in VO-
BIS, Totius EVROPÆ, REGES, PRINCI-
PES Et IMPERATORES, Et in *illis*, *Omnium*
Populorum suorum, VOTA, STVDIA, Et AF-
FECTVS Fælicissimè Coniunxit:

VOS A DEO DATI, ET NATI, AD HO-
MINVM GENVS SVBLIMANDVM, AD
CHRITI IMPERIVM Dilatandum, Ad RE-
GES Et PRINCIPES longa SERIE Propagan-
dos, Ad MVNDVM Cumulata Fælicitate, Per-
beandum.

EIA, AGITE, PRINCIPES OPTIMI, Ne
ctite, *Animos Animis*, Dextris DATE DF-
XTRAS, PECTORA PECTORIBVS, Coite
Affectibus, Coalescite Moribus, GENIIS Et IN-
GENIIS, Conspirate, Et *Alii Augustique* NOMI-
NIS Vestri *Immortali* GLORIA, Populi Perpetua

Fælicitate, Et Effusa Bonorum Omnium GAUDIO,
 Et LÆTITIA, CÆLVM, Terram, Ecclesiam, Rem-
 publicam, PLEBEM, SENATVM, Regna, Impe-
 ria, EVROPÆ, Et Vltimos ORBIS Fines, LÆTIS
 Et Fælicibus Vestris HYMENEIS Beate.

Falices Ter Et Ampliùs
Quos irrupta Tenes Copula.
Nec Malis Diuulsus Querimonijs
Suprema Citiùs Soluet AMOR DIE.

SIC, VOS MAGNA NVMINA, in Om-
 nem Æternitatem SOSPITENT, Vobis semper
 ASPIRENT, in OMNIBVS, Faucant, Foucant,
 Fortunent, Et AVREA, REGIA, AVGVSTA,
 NVMEROSA PROLE, Perbeent.
 SIC ANNOS VIVITE FÆLICES VESTROS,
 VIVITE Et NOSTROS;

HOC MAXIMORVM REGVM, Et
 IMPERATORVM;
 HOC PROCERVM, Et PRINCIPVM:
 ECCLESIAE, REIPUBLICÆ:
 CLERI,
 POPVLI,

HOC
 OMNIVM BONORVM;
 HOC
 PRINCIPES, ALTI, AVGVSTI,
 ADORANDI:
 MEVM
 ANTE Omnia.
 SVPPLEX
 VOTVM.

FINIS.

Errata sic corrige.

pagina prima pro regionis lege Legionis pagina secunda pro quartu
 fauentia. lege quam fauentia. pag. 21. ad illa verba longitudine latitu-
 dine adæquet vide. Moralem scriptorem grauem qui in descriptione
 Hispaniæ Eam Gallia quinquaginta plus leucis amplioresserit. pag.
 33. pro Præsidia & ornamēta. l. Præsidia & Munimina pag. 31. pro Gam-
 mulam. pag. 50. pro isto hoc quem hauserunt. leg. hoc quem fuderunt.
 pag. 57. pro Dea lege Dea. pag. 58. pro diuinum solem. lege in Diuinā
 solem.

OMNIVIS OMNIVIS
HOC
PRINCIPALITATE, CASTI,
ALORANDI:
MELI
VITAE OMNIVIS
VITAE OMNIVIS
VITAE OMNIVIS

44

